

www.e-rara.ch

**Ein christenlich Gespräch, gehalten zuo Bernn zwüschen den
Predicanten und Hansen Pfyster Meyer von Arouw, den Widertouff, Eyd,
Oberkeyt und andere widertöufferische Artickel betreffende**

Other, Jakob

[Zürich], [1531]

Zentralbibliothek Zürich

Shelf Mark: 6.240: b,3

Persistent Link: <https://doi.org/10.3931/e-rara-24942>

www.e-rara.ch

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

Nutzungsbedingungen Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelnformationen angegeben. Für weitere Informationen siehe auch [Link]

Terms of Use This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

Conditions d'utilisation Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

Condizioni di utilizzo Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]

Ein Christenlich
gespräch gehalten zu Bern
 Zwischen den Predicanten vñ Han-
 sen Pfyster Meyer von Arouw/
 den Widertouff/Lyd/Ober-
 keyt/ vnd andere Wider-
 töufferische Artickel
 betreffende.

Anno M. S. XXXI. an dem
 xix. tag Aprilis.

Allen Christenliche läsern

wünschend wir harnach ver:
zeychnete diener des worts
Gottes in Statt vñ
Land zu Bern.

Hid bnd Gnad von
Gott/ Siewyl es vnsern gne:
digen Herren / vnd anderen
Christenlichen brüder vñ / gefallenn/
das dise handlung/ mit Pfyser Meyer
von Arouw beschäbē / durch den truck
mencklichem geoffnet wurde. Hatt
vns für güt vñ notwendig angesehen/
allen menschen anzezeygen / das solichs
von vnns gar in keinen wäg beschicht/
Das wir hie yemants üzid frömbdes
wöllind leeren / oder da verkouffen vñ
dz vnser machen (wie man dan zu diser
zyt etlichen vffrupfft) das aber in an:
der lüten Kunstammer funden wirt/
sonder allein vnsern gnedigen Her:
ren/ wie dann billich ist zu willfaaren/
vñnd dem begerenden leser zu gutem/

wie söllichß durch Jacob Other vnnnd
Eberhardt von Rümang Kurtz ver-
faßt / einfalltrigklich anzezeygen / vnnnd
wöllend desßhalb / allerley verdencckens
vnnnd argwon abgewendt haben / wie-
wol wir hieharuß (als du selbs sehen
wirßt) vns hoher kunß wenig berüme
kündind / yedoch so hatt Gott durch
dise vnserer Kleinfüge / den / by den töuf-
fern / nit Klein geachtet / jm widerumb
gewunnen / dem sy lob in ewigktyt / Amē.

Wo du in disem büchlin findest Pf.
W. geschriben / Soltu Pfyßer Meyer
lesen. Wo aber Predic. Wirßt du die
Predicanten so hie geschriben gmeyn-
lich verston. Geben zu Bern/am xix.
tag Apprellens im W. S. xxxj. jar.
Berchtoldus Haller.

Caspar Meaander.

Franciscus Kolb.

Sebastianus Hoffmeyer.

Jacobus Otherus.



Nach dem die

verordneten von
Räten vnd Burgern/
gesandtē potten von
den Stetten im Er-
gew / sampt den Pres-
dicantē hierzu berufft
versamlet vñ gßassen

warend. Ist Pfyster Meyer herfür bracht / vnd
den Predicanten / von einer loblichen Oberkeyt
beuelch geben / mit im mit allem flyß zū erkundi-
gen / wessz verstands er sye in heyliger geschriff-
t / vnd in dem handel des gloubens vnnnd Christen-
lichen lebens. Vnnnd wo etwas jrrung / mangel /
oder vnverstands an im funden / mit heyliger ge-
schriff t zū berichten / vñ mit aller früneligkēy t von
synem vngöttlichen fürnemen abzūwysen / damit
syn seel gewonnen wurde. Vff sölich s hannd die
Predicanten den handel an die hand genommen /
vñ mit allem flyß / mit sanfftmüt vnd gedult / vß
liebe nach der lēnge mit im gehandelt / aller
gßalltwie nach volgt.

Predicanten.

Pfyster Meyer / wie wir yetz versamlet sind /
tragend wir alle Christenlichen namen / Darumb
nach dem beuelch Petri / wir alle schuldig sind
Rechenschafft zū geben / vnser s gloubens einem
yeden so sölich s von vnns fordert. Diēwyl nun
vnns fürkommen / das wir von dir geschuldiger

werdend / wie wir nit Gottes sond Berner wort
predigend / sind wir vbüchtig dasselb zü verant-
wortē/wo du söliches von vns forderst / vñ vnser
antwort hören willt. Dēßglichen werdend wir
ouch rechenſchafft dines gloubens von dir fordes-
ren/welches du als ein Chriſt nit kanst abschlahē.

Pfyster Meyer.

Ich mag wol wiſſen/wo die red har kompt.
Ich hab vff ein zyt ein predig gethon/daby iſt ein
Predicant geſyn / do hat ich das 3. Capitel 2. Cor.
vor mir/vnd als ich den vnderſcheyd gab/vnder
Alltem vñ Aüwem Teſtamēt / do sprach ich vnd
anderem/also heyrer heruß ſolt man die gſchriſt
predigen vñ mit verdacten Worten nit vmbgon/
alls ettlich Predicanten thünd / die den wücher
ſchirmend. Wie ich dan verſtand/das ein Man
dat ſye vßgangen / von minen Herrē von Bern/
darinn für Göttlich vnd recht zügelaffen / vnnd
beuolhen wirt / von xx. pfunden eins / wölches
ettlich Predicantē vnderſtand öffentlich zübeſchir-
men vnnd verthädigen / das doch nit Gottes
wort/weder alts noch nürws teſtaments nymer
mag erhalten werden/vnd welche das thünd/die
predigend nit Gottes ſonder Berner wort. Also
hab ich geredt/kans nit leugnē/ doch möcht ich
lyden derſelb Predicant wer ſelb perſönlich zü
gegē/domit man der ſach deſt baß bericht wurd.

Predicanten.

Pfyster Meyer/du haſt einer Oberkeyt von
Bern Mandat nit gſehen/oder mit vnuerſtand
geleſen/

gelesen/ dann das wirt sich nümer finden / das
gemeynlich oder besonderlich beuolhen oder für
göttlich vñ Christenlich erkendt werd/eyncherley
wücher wie du vom wücher redest / sonder das
ist einer Oberkeyt von Bernn meynung/ in sol-
chem Mandat/dem schantlichen gyt zü weeren/
vñ dem vnuerschampten wücher ein zil zestecken/
so ferz diser zyt müglich / damit er nit wyter yn-
ryß/ob Gott mit der zyt gnad geb/ das man hö-
her stygen möcht/vnd aller sölicher wücher/ dar-
durch der brüder möcht beschwärdt werde / glatt
abgethon/vnnd aller handel in die schnür brüder-
licher liebe gericht werde/ das wirt das Mandat
zügeben/das magst hie lesen.

Pfyster Meyer.

Gibt hie kein antwort.

Predicanten.

Sytenmal nun du Pfyster Meyer bekenst/du
habest wider Zynß geprediget/ so zeyg doch an/
was ist dyn meynung von Zynsen? Vnnd damit
wir den handel angryffind/ Si ewyl du mit dem
Widertouff beschreydt bist/ so sag vnns in einer
sum/ Was haltest du vom Kindertouff / vñ dem
Eydschweeren / von einer Oberkeyt/ von Zynß/
vonn Zehenden / vnnd derglichen articlen / der
Widertoufferischen sect.

Pfyster Meyer.

Min lecr ist gsin vß den worten Christi/ vnnd
was ich in Christo Jesu finden/vnd funden hab/
das hab ich gelert / bin ouch wyter deß willens/

wo ich yemandt mer leeren solt. Darumb was in Christo Jesu mag funden werden/vnnd in seiner leer vnnd leben/das wil ich für recht geben/was nit/wurd ich nit annemen. Dañ ich habs darfür dz Jesus Christus sye dz wort seines himelschen vatters/der vnns den willen deß vatters gnügsam hat erklärt vnd anzeygt/das ich billich alles das für recht vnnd war haltt / es sye das allt oder Nüw Testament / das ich in jm find erklärt vnnd vßgeleyt mit leer vnd leben.

Predicanten.

Was findst aber in Jesu Christo/vnnd was ist sin leer?

Pfyster Meyer.

Die leer Christi ist dise. Thünd büß/besserend üch/das rych der himlen ist nach/vnnd sprechend nit: Abraham ist vnser vatter. Dann ich sag üch/Gott mag vß den steynē kind Abrahe erwecken.

Predicanten.

Stat aber nit die sum der leer Christi/vnnd ein recht Christenlich büßfertig leben in disen zweyen stucken/namlich Glouben vnd Liebe?

Pfyster Meyer.

Das beken ich mit üch/vnnd kan nit darwid sin.

Predicanten.

Gloub/
vnd liebe
ist vnser
grund.

So gloubstu ouch/dz gloub vñ liebe/ein richts schnür sygind eines gantzē gottsäligen Christenlichen lebens/vnd alles das by diser regel beston mag/das sye recht göttlich vnd Christenlich.

Pfy

Pfyster Meyer.

Das kan ich nit widersprechen/ich muß es lassen war syn.

Predicanten.

So müstu ye ouch bekennen das alt vnd nūw Testament beide ein Gottes wort/ vnnnd vnns in glychem wārdt syend

Pfyster Meyer.

Das Nūw Testament ist volkommer dan das alt/vnnd das alt ist durch Christum erfüllt vnd erklärt worden. Was nun Christus erklärt vnnnd zū erkennen geben hat/das halt ich ouch/dann er ist der will sins hymelschen vatters.

Predicanten.

Pfyster Meyer du hast bekant / das gloub vñ liebe ein regel syend Christenlicher leer vñ lebens/ vnd alles das by diser regel beston mög sye recht vnnnd Christenlich. Nun kanst du hie nit wychen/ du müst das alt vnd nūw Testament einem Christen zū glychem werdt geltē lan/ diewyl doch anders nüt dan glouben vnd liebe darinn getriben werdend/ vnnnd deß hastu ein heyter wort Christi Matthei xxij. Du solt Gott dinen Herrn lieben / von ganzem hertzen/von gantzer seel / von ganzem gmüt / das ist das fürnempst vnd grōst gepott/das ander aber ist dem glich. Du solt dinen nächsten lieb han als dich selbs. In disen zweyen gepotten/hangt das gantz gsatz vnd all Propheeten. Vß disem spruch kanst du wol mercken/das alle leer die Gott dem menschen durchs gsatz vñ

Propheten hat lassen zukömen / zücht sich dahin/
das man im glauben leer Gott erkennen / vñ den
nächsten als sich selber.

Pfyster Meyer.

Ich kan nit verstan/wie das alt vnd nürw Te-
stament zamen stimmend/so doch im alten ist ge-
potten worden / den syend hassen vnd töden/vnd
aber im nürwen wirt gepotten/man söll auch den
syend lieben / als dann Matth. 5. offenlich bezügt
wirt/ da also stat. Den alten ist gseyt worden/
Du solt din nächsten lieben vñ den syend hassen.
Ich aber sag üch/liebend üwere syend/thünd des
nen güts die üch hassend.

Predicanten.

Das Gott im alten Testament befolhen hatt
etlich syend verfolgen/vnnd töden/als die Cana-
niter vnd die andern/ist alles geschehen nach der
vordrigen regel/namlich den glauben vnnd liebe
zü pflanzen/Gottes Ker vffzerichten/gottsleste-
rung vßzerüten / vnd nach dem beuelch Gottes/
zü erfüllen Göttlichen ratschlag vñ verheyßung/
Dann Gott wolt/das sin volck/ vß welchem der
gebenedyete son kömen solt / mit den Heyden nit
vermischet wurde/ sunder sich allein/vnder im er-
hielte/in aller gehorsame vnd gütem vertrüwen/
Vuch vnd einander in liebe vñ fründtschafft der-
maß zamen hieltind/dz alle andere völcker/durch
sy ermant wurdind den einige Gott zü erkenen/
vnnd fürchten/vnnd grosse ding (so Gott durch
das volck noch in künfftigem handeln würd) zü
betrach-

betrachte. Dife vrsach ist aber diser zyt im nürwen
Testament nit mee vorhanden / so der gebenedyete
sain nun kommen ist/ des sy wartetend/ vnd die
mittelwand/ dadurch Juden vnnnd Heyden zers
trennt vnd geteylt warend / zerbrochen/ das wir
nun im gloubē / durch disen vnsern Christum ein
volck Gottes sind / alle die den namen Gottes
anrűffen durch Christum.

Pfyster Meyer.

Dise vrsach ist diser zyt/nit minder vorhanden
dan zűren zyten/dan zű aller zyt ist es so:gtlich/
so sich die Christen mit den vnchristen vermischen
vn̄ gemein machend / darumb wo das die vrsach
gsin wære/so hette Christus vnnnd sine jűnger nit
mind vrsach gethan/wo es des vatters will gsin
wære/das sy beuolhen hetten / den fyend hassen
vn̄ verfolgen. Darumb kan ich noch nit von dem
spruch wychen. Es ist den altē gseyt/ du solt den
nächsten lieben/den fyend hassen/ vnd verfolgen:
Iz aber sollend ouch den fyend lieben. Daruff ich
nim̄ / das das Nűw Testament / volkommer sye
dann das alt/ sytenmal Gott den alten beuolhen
hat/den fyend zű hassen/vnnnd aber Christus leert
vns den fyend lieben.

Predicanten.

Dise red dörfft wol keiner antwort/dann vora
mals ist gnűgsam anzeygt/ das die Ker Gottes
vnnnd brűderliche liebe/der zyt also erfordert hab/
das aber diser zyt nit ist/ darumb man vß disem
spruch nit kan herfür bringen/ das alt vnd Nűw

Testament in vnglychem werdt sin sollend. Die
wyl aber Pfyser Meyer an dem büchstaben dis
spruchs Matthei v. hangt / vnnnd nit kan überhin
kommen / so merck also Pfyser Meyer. Chris
tus hat in disem v. Capitel Matthei sine jünger
wöllen abfüren von dem verstand der glyßneren
vnd Phariseern / dann dieselben verstündend die
gßchrift allein nach vsserlichem werck / achtetend
wenig wie es vmb die begirden stünd/trügendes
ouch dem volck also für / das gnüg were nit mit
der hand töden / nit mit den wercken die Ebre
chen / vnd derglichen. Also in diser sache / diewyl
sy in dem gßatz geschriben funden / Leuitici xix.
Du solt dinen nächstē lieben / hand sy on gßchrift
vß inen selbs heruß gezogen / vnnnd du solt dinen
syend hassen / das aber nit daby vñ in der ganzen
gßchrift nit gfunden wirt. Disen valschen ver
stād / hat hie Christus verworffen / vñ sine jünger
gelert / wie deß vatters will sye / nit das sy leben
wie die glyßner / sunder jr gerechtigkeit soll der
glyßneren gerechtigkeit übertreffen. Darumb
spricht er / den alten ist gseyt / Du solt dinen näch
sten lieben / vnnnd den syend hassen. Das ist: Also
sind sy von den Phariseern falschlich beredt / vnd
vnderwysen. Jr sollend aber / weder jr leer noch
leben annemen / sonder also thün wie ich üch vn
derwysen hab. Vß disem bericht ist nun offenbar /
das Pfyser Meyer durch disen spruch / das alt
vñ Nürw Testament nit mag zū vnglichem werdt
bringen: Vnnnd das du es noch baß verstandist /
das in dem allten Testament ouch gepotten sye /
nit

nit allein dem fründ güts zethün/ sond ouch dem
syend/ So liß das dritt büch Mosy am xix. Cap.
vnd das ander büch Mosy am xxiiij. Capitel wirst
du finden/ das du nit allein dinem widersacher
solt verzyhen vnd güts thün/ sond ouch an sinen
thierlen oxsen oder esel/ wo dir müglich/ schaden
wenden.

Pfyster Meyer.

Der Text seyt am selben ort / allein von iren
brüder: Dann also stat es: Du solt dinen brüder
nit hassen in dinem hertzen/ vnnnd deshalb redet
Gott hie von den Jude vnd nit vō den Heyden.

Predicanten.

Liß wyter so findest du also. Du solt dich nit
rechen noch widerwillen tragen/wider die kinder
des volcks. Sie merckstu wol/ was die gschuffte
brüder nempt/ Namlich alles volck einer gantzen
gmeyn/vnnnd burgerschafft / die frylich nit allzyt
güt fründ blyben. Das hastu noch heyterer im
andern büch Mosi am xxiiij. cap. Wenn du dines
syends oxsen oder esel begegnest das er irret / so
soltu jm denn denselben wider zufüren.

Pfyster Meyer.

Ich halt mich des nürwen Bunds / den Gott
mit vns gemacht/ daruon geschriben stat Hiere.
am xxxi. cap. also. Nemand war es kommend die
tag/das ich einen nürwen pund machen wird mit
dem huß Israel / vnd Zuda / nit nach dem pund/
den ich mit iren vättern gemacht hab/vnnnd volge
wyter: Das wirdt der pundt sin: Ich will min

glatz in ire innerliche glider ynpflantzen/vnd inen
in jr hertz schreiben / vnd wil jr Gott sin/vnnd sy
werdend min volck sin. Vß disem volget das gar
ein grosser vnderscheid sin müß/ zwüschend dem
alten vnd nürwen Testament.

Predicanten.

Was was der Pundt/ den Gott mit Abrah
ham macht?

Pfyster Meyer.

Es was Christus Jesus der gebenedyete som.

Predicanten.

Esich den Text im ersten buch Mose am xvij.
Wirstu finden/das die wort also stont: Ich wil
vffrichten minen pundt zwüschend mir vnnd dir/
vnd dinem somen nach dir/by iren nachkommen/
das es ein ewiger pundt sin soll/also das ich din
Gott sye/vnd dines somens nach dir. Esichst du
hie/das grad der Mose vnnd der Prophet glich
zamen stimmend / vnd bringends die wort des
Propheten selber mit inen / das nit darumb ein
nürwer pundt heiß / das etwas anders sye / weder
im alten Testament/Sond darumb / das die Ju
den mit fleyschlichem verstand/vß iren halßstar
cken steininen hertzen den pundt Gottes anna
mend/vnd mit vfferlichen wercken/one glauben
vnd liebe allein im schyn denselben hieltend. Das
was aber vor Gott / nun ein übertretung des
pundts/darzü tratten sy zum dickermal gar von
Gott ab/durch vnuerschampte abgöttery / vnnd
iren wenig waren die des pundts krafft/im geist
vnd

vnd in der warheit ergriffen/das sollt aber durch
Christum gebessert werden / dan durch den ver-
dienst siner lydens/solt allen denen gnad wider-
fahren/die in im glauben wurden annemen / das
sy vß krafft des heyligen geystes / in iren hertzen
erlichtet/den gnedigen willen Gottes/vnnd die
krafft des pundts in inen empfundind / dardurch
sy ernüweret im geyst vnnd in der warheit mit
lust vnd fröuden/geneygt wurdind Gott zü die-
nen. Also ist Christus Jesus nit allein der pundt/
sonder ouch/des pundts zeychen vnd gewißtheur
pfand/dadurch wir des gnedigen willen Gottes
versicheret werden in vnserm hertzen. Vß disem
allem/hand wir abermal gwaltig bewärt/durch
den pundt Gottes / den du selbs hast anzogen/
das alt vnd nürw Testament in glichem werdt sin
müssen/vnnd bstat noch vnser grund satt / das
glaub vnd liebe/die summ vnnd regel sygind der
ganzten heiligē gschrifft/vñ alles einem Christen
anzenemen/das by diser regel bston mag/ ey sye
alts oder nürws Testament. Darzū ouch lieber
Pfyster Meyer / haltest nit du ouch von Christo/
das er waar Gott vnd mensch vns armen sün-
deren zügschickt vnd mensch worden/das er vns
ser gerechtigkeit/versüner/säligmacher/ein liecht
der Heyden/ vnd derglychen sin soll? Wie wiltu
nun das bewären? Oder waruß wiltu es einem
vnchristen dARTHIN / der das nürw Testament nit
annympt? muß das nit vß dem alten Testament
geschehen/namlich dz er der gebenedyete som sye/
von Gott versprochen / im ersten büch Mosis am

xxij. cap. Durch dinen somen söllend alle völder
vff erden gesegnet werden / das er warer Gott
vnd mensch sye / vnd ein ewiger künig Esaie ix.
Er wirt mit sinem namē genempt / der wunder-
barlich ratgeb / der starck Gott / der ewig vatter /
der fürst des fridens / der wirt kein end machen /
das rych vnd friden zū meeren / vnd vff dem stül
Dauids / in sinem rych sitzen / das selb zūbereyten
vnd grunduestnen mit billigkeit vnd gerechtigs-
keit dannethin biß in die ewigkēyt. Desglichen
findestu Hieremie am xxij. Das er vnser erlöser
vnnnd heyland sye. Esaie xxxv Sagend zū denen
die ein erschrocken hertz habend / sind manlich
vnd fürchtend üch nit / sehend vnser Gott kompt
zū rechen vnnnd widergelten / Gott kompt selbs
vnnnd will üch erlösen ꝛ. Das er vnser gerechtigs-
keit sye. Esaie am xlv. Die himmel werdend oben
herab dauwen / vnnnd die wolcken gerechtigkeit
regnen : Die erd wirt sich vffthün vñ heyl fruch-
ten / vnd damit wirt gerechtigkeit blien : Ich der
Herz wirts schaffen. Vñ wyter : Ich schwer by
mir selbs / vß mynem mund kompt das wort der
gerechtigkeit / vñ das mag niemand wenden / son-
der es werden sich alle knüw mir bucken / vnnnd
alle zügen by mir schweeren / vnd sprechen / war-
lich im Herzen ist min gerechtigkeit vnd stercke.
Das er vnser versüner vñ mittler sye Esaie liij.
Die büß vnserer straaß / wirt im vffgeleyt / vnnnd
mit sinen maasen werdend wir gesund / wir alle
irrend / glych wie die schaaff. Ein yeder keret sich
sinen wäg / aber der Herz begnadet mit im vns
see

ser aller sünd. Das er ein heyland vnd liecht der
Heyden sye / Esaie xlix. Es sye klein/das du min
diener syest / die gschlächte Jacobs vffzerichten/
vnd die verderbnus Israels zewiderkeeren / wo
ich dich nit zü einem liecht der Heyden mach/das
du min heyl syest / biß in die ende der erd. Sefz
glychen findestu ouch Esaie lx. Vß disem allem
lieber Pfyster Meyer kanst wolerachten / wie so
gar von nöten ist das alt Testament ein Christen
menschen/ vnd wir sy keins wegs manglen mö-
gend/namlich den grund vnsers heyls daruß zü
befestigen. Darumb findestu es ouch im Euang-
gelio/das Christus seibs vnd sine Apostel dahin
gewisen hand/als zü der rechten kundtschafft als
ler rechtgshaftnen leer/vñ lebens/ als Joānis v.
Luce xvj. Matth. ix. xc. In der Apostel gschichte
am xvij. forscheten die Thessalonick die gschriifte
täglich/ob es sich also fund wie Paulus prediger.

Pfyster Merer.

Wo das alt Testament vff Christum zeygt/da-
nim ichs an. Ich sag aber/das Christus ein höher
vnd volkommner leer geführt/vnd sinem volck ein
nütwen pund angezeygt/den sy haben solten/das
ir gerechtigkeit überträff der gschriiftglerten vnd
glychßner.

Predicanten.

Das ist nun vil mal verantwortet /damit die
aber gnüg geschehe/ vnd dest baß versichert wer-
dist/so merck/wie das alt Testament von Christo
züger/namlich als von einem leerer/heyland/ere

löser vnnnd versüner der welt. Daruß folgt / das
wölder vß dem alten Testament zügnius von
Christo annympt / der nympt ouch das gantz alt
Testament an / so ferr es mit Christo vnnnd sinem
handel züstympt / diewyl aber der gantz handel
Christi in dise regel verfaßt wirt / wie nun offt ers
zelt / namlich gloub vnd liebi / so zeyg an / vß dem
alten Testament etwas / das dise regel nit erlyden
mag / sye ouch glych der Cerimonien halb / kanstu
das nit anzeygen / wie du dan yetz nach der lengi
gehört hast / das nit möglich sye / es müßt sunst
Christus selbs liegen / der do spricht / das sye das
gsatz vnd die Prophten. So bistu hie bstanden /
vnd müßt das alt vnd nürw Testament von diser
regel wegen / in glichem wert lan bliben. Das
aber du fürwändest / Christus hab ein volkommere
leer gefürt / vñ ein nürwen pund angezeygt / dz ist
verantwort / do man vom pundt geredt hat / vnd
solt es nit also verstan / das die leer Christi an je
selb etwas volkommers oder anders gsin sye / we
der die leer des alten Testaments / oder man müß
sprechen / das der vatter vnd der sun vneins wes
rend / vnd ein vnglyche leer fürtind / das doch vns
möglich. Aber also wirt das nürw Testament ein
volkommen gsatz / leer / oder verstand genempt /
das Christus den willen sins himlischen vatters /
vnd das gantz gsatz vffs volkommist vnd vßbins
digest gehalten / vnd erfüllt hat / vnnnd vns gelert
den rechten verstand des gsatzes / vnd abgewisen
vom falschen verstand der Phariseer / damit wir
erkantend / wie d will des vatters zu erfüllē were /
ouch

Duch krafft vnnnd gnad erlangt / dardurch wir der
erkandtnus möchten nachkommen / das hat aber als
les den Pharisceern gemanglet / die do allein off
dem Duchstaben vfferlich lagend / vnd nach rechts
geschaffner erfüllung des gsatzes wenig frage
tend. Also magst du mit allen disen stucken / nüt
wider vns vffbringen / vnd bstat vnser regel fry /
das gloub vnd liebi sye das gantz gsatz vnnnd alle
Prophten. Vñ was by diser regel bston mag / es
sye alts oder nüt Testament / ist ein Christ schuld
dig für recht zü geben / zü glauben / vñ anzenemē /
als Gottes wort. Wiltu es daby bliben lan / oder
manglet dir etwas wyters ?

Pfyster Meyer.

Ich muß es bekennen / weyß nüt darwider vff
zebringen.

Predicanten.

Sytmal nun Pfyster Meyer mit vns eins ist /
der regel halb / das gloub vnd liebi in allen sachen
die richtschnür sin söllend / vnd darumb ouch das
alt vnd nüt Testament in glichem wert gehalten
angenomen / so werdend wir in allen stucken / vß
diser regel mit jm handeln / vnd alles so er wider
vns haben mag / oder darinn er zwoyssen möcht /
gegen dem glauben vnnnd liebi heben. Was daby
bston mag / können wir jm nüt abschlahen / was
aber daby nüt bstan mag / söllend wir zü beyden
syten billich faren lassen. Vnnnd zum ersten wöls
lend wir den Eyd zü handen nemen / vnd darum
Pfyster Meyer / was haltest vom Eydschweren ?

Magouch ein Christ ein warheyt by Gott bezü-
gen/das ist/ÿdtschweren/mit vsserlichen verord-
neten Ceremonien vnd brüch der Oberkeit?

Vom ÿd.

Pfyster Meyer.

Wie Christus Jesus vom ÿd redt/also hale
ichs ouch/Der spricht Matthei v. Ir hand gehört/
das zu den alten gseyt ist: Du solt kein valschen
ÿd thün/vñ solt Gott dinē ÿd halten. Ich aber
sag üch/dz jr aller ding nit schweeren solt/weder
by dem Himel / noch by der Erde/nach by Hie-
rusalem/ouch nit by dinem houpt/üwer red aber
sye/ja/ja/nein/nein/ was darüber/ist von argem.
Hieruß sprich ich/das ein Christen nit zymmen/
wyter zügon/weder von Christo hie vstrucklich
befolhen ist/das sin red sol sin/ Ja/ja/Nein/nein.

Predicanten.

Sie müßend wir vff vnser regel gon / die du
mit vns bekandt hast. Vnnd so wir findend/das
ÿdtschweren dem glauben vnd liebe gemäß ist/
wirstu ÿdtschweeren für recht bekennen vnnd
blyben lan. So findend wir das ÿdtschweeren/
nit allein dem glauben vnnd liebe gemäß/sonder
ouch von ein Christē erfordert werd. Zum ersten
als ein rechtgshaffen stuck göttlicher Ver/zum
andern als norwendig brüderlicher liebe. Das
erst hat man im fünfften büch Mosy am vi. vnd
x.capitel. Da staat es also: Du solt den Herren
dinen Gott fürchten/vnd jm dienen vñ by sinem
namen

namen schweeren. Wie merckstu/das by dem nas
men Gottes schweeren / besonderlich befolhen
wirt/den gottsföchtigen vnnnd gottsdienern/als
ein stuck/das bsonderlich Gottes Eren gezim
men/vñ einem gottsdienere zustande. Dese gleichen
hand wir in den Propheten / das der gerümpft
wirt/der sich der maaß halt / das er by dem nas
men Gottes schweeren mög / also im lxiiij. Psal.
Alle die werdend gelopt/die by im schweerend.
Vnd Esaie lxx. rümpft der Prophet/es werde im
land der Gottes diener darzü komen / das wöl
cher sich vff erdē rümen werd/ werde sich in dem
waren Gott rümen/vñ wölcher vff erd geeydet/
wirt in dem waren Gott geeydet: Das ist/man
wirt nit mee by den abgöttern oder Heydischer
wyß Eyd schweeren / sonder wie allein der wars
hafftig Gott geeret wirt / also wirt man ouch by
sinem namen schweeren. Hieremie iij. O Israel/
wiltu dich bekeeren/so bekeer dich zu mir / spricht
der Herz/vnd so du din grüwel von minem ans
gicht hinhin wirst / so wirstu nit bewegt/vnd
du wirst schweere/der Herz lebt in der warheit/
in billigkeit vñ gerechtigkeit. Hieruß hastu aber
mal/wie der geartet sin soll/der by Gott schwee
ren will/dann das was zur selben zyt im bruch/
so man Eyd schwür/sprach man: So war Gott
der Herz lebt/ als wir vom Helia wüßend/der
dem König Achab iij. Regū xvij. vnnnd dem Pro
pheten Heliseo iij. Regū ij. schwür / sprechende/
So war Gott lept/wie yetz d bruch ist: Als mir
Gott helff. Vß disen sprüche/hastu nun heyter/
B iij

das Eydschweeren by Gott / einem gottsdiener
wol gezymen. Dargegen findt man in den Pro-
pheten / das treffenlich gestraafft werden / alle die
by dem namen Gottes schweeren / vnd aber sich
an Gott nit haltend mit glauben vnd liebi. Also
hats Esaias am xlvij. Hörend diß du huß Jac-
cob / jr die mit dem namē Israels genempt wer-
dend / vnd vß einem vrsprung mit Juda komend /
die by dem namen des Herren schweierend / vnd
By dem Gott Israels bezügend / doch nit mit
trüwen vñ recht / als wölt der Prophet sprechen:
By dem namen Gottes schweeren / ist ein werck /
eines gottsföchtigen / in dem die Eer Gottes /
warheit vnd gerechtigkeit ist. Ir aber sind von
Gott vnd sinem dienst abtretten / vnd lassend. üch
nit destunnd hörē mit mund / als ob jr sine rechts-
gshaftne diener werend / üwer hertz ist aber ferz
von mir. Derglichen sprüch hand wir mer Hies-
remie am v. Osee am iij. die nit not zū erzellen.
Vß disem hastu gnügsam ghört / das Eydschwe-
ren by Gott ein stück deß glaubens vnd der Eer
Gottes gemäß ist. Vffs ander der liebi halb / deß
nächsten / hastu ein heytterē spruch / in andern büch
Mosi am xxij. cap. stat also. Wenn yemand sinem
nächsten einen Esel / oxsen / od schaaß / oder yenen
ein vych zū behalten thüt / vnd stirbt im / oder wirt
beschediget / oder wirt im hinweg getriben / das
es niemand sicht / so soll mans vnder jnen vff ein
Eyd by dem Herre komē lan / ob er nit sin hand
hab an sins nechsten hab gelegt / vnd deß güts
herz soll es annemen / das ihener nit wider geben
müße.

müsse. Sie hat mā heyter vß dem beuelch Gottes/
das ein Eyd soll geschworen werden / zwischend
zweyen menschen / die ein zwytracht vnnd spaan
gegen einandern hand / damit der spaan gericht
werde. Das wirt auch angezeigt zum Hebreern am
vi. cap. Der Eyd ist ein end alles haders / zu einer
benestigung vnd den menschen. Dohar ye kunts
lich / das der Eyd ein stuck ist der liebe / dardurch
alle zwytracht / spaltung / hader / vnd spaan hinged
legt / liebi / trüw vnd fründtschafft angericht / vnd
erhalten wirt. So nun der Eyd / by vnser regel
bston mag / müßend wir in blyben lan / vnnd bes
kennen / das ein Christ ein Eyd mög schweeren.

Pfyster Meyer.

Ich kan by mir nit finden / das ich die warheit
anders bezügen sölle / weder wie mich Christus
geleert hat.

Predicanten.

Haltestu auch Abraham / Isaac / vnnd Jacob /
für from gottßällig Christen küt?

Pfyster Meyer.

Wer wolt anders reden. Ich halt sy für groß
Gottes fründ / vnnd heilig Christen / dann sy sind
auch durch den glouben vß Christu sölig wordē.

Predicanten.

Dise alle hand Eyd geschworen / das magstu
finden in dem ersten büch Mose am xiiij. am xxi.
xxvi. vnd am xxxi. capitel / vnnd werdend in der
gßchriefft nit gestraafft. Darzu hastu es in Christo
selber / vnd by Paulo / zum offermaal / das sy mit

dem Eyd die warheit bezüget hand/dañ was ist
anders dann Eydschwören / so man etwas by
der warheit bezüget/wie joch die wort luted/ man
spreche: Warlich es ist also: Oder/By miner seel/
wie Paulus j. Corinth. j. Oder: Gott sye min züge
Rom. j. Vnd wir ouch nit anders sprechend/
dann / als mir Gott helff.

Pfyster Meyer.

Ich bekenn/das man die warheit bezügen sol.
Aber das es mit dem Eyd geschehen soll / kan ich
nit finden.

Predicanten.

So frag ich dich/wie geschicht der Eyd/den der
mensch thut? geschicht er im hertzen oder mit den
vsserlichen Worten? Wenn du mir etwas ver-
sprechst zu halten/hette nit din hertz das fürge-
nommen/vnd also in dir beschlossen / so du anders
warhaftig sin wilt? vnd die vsserliche wort oder
wyß geschicht nun zur fundtschafft/das ich ver-
stand/was du im hertzen fürgenommen hast Nun
lüg du zu/ob es nit ein lutere tozheit sye/das man
also halßstareck vff die wort dringt/als ob es alles
an den Worten gelägen wäre / vnd aber die wort
nun vsserliche fundtschafft sind/ des Eyds oder
warheit/so du yetz im hertzen gfasst hast.

Pfyster Meyer.

Wenn wir Christe wäre/so hette man gnüg mit
dem ja/vnd dörfte man nit andere wort bruchen.

Predicanten.

Das ist recht/vnd sol ouch also vnd den Chris-
sten

sten gehalten werden/in jren gemeinen täglichen
reden/vnd hendlen/das sy sich alles schweereus
vnd flüchens söllend abthun/vnnd nach dem be-
uelch Christi leben/da Ja ja sye/Nein nein: Noch
ist aber der Eyd nit vffgehoben/der offentlich vor
den lüten söll bezüigt werden/dem schwachen zü
dienst/oder dem boßhafftigen sin mütwillen zü
versperren/diewyl wir doch nit all Christen sind.
Vnd dz du dester baß versichert werdust/so wöls-
lend wir den spruch hören im Mattheo/den du
harfür züchst/Christus wil hie nit fürnemlich vö
Eydschweeren handeln/ob man das thun oder
vnderlassen söll/er laßt es by dem beuelch des
vatters im alten Testament vßgetruckt belyben/
wie yetz daruon geredt ist/er wil aber den falsche/
verstand der Phariseer/vmstürzen/den sy vom
schweeren falschlich vß der gschufft gesogen/vñ
dem volck fürgetragen hattend: Gott hatt ge-
botten im dritten büch Mosi am xix. capitel. Ze
söllend nit falsch schweeren by minem namen/
wie dann ouch im andern büch Mosi am xx. cap.
Du solt den namen deß Herren dins Gottes nit
vergebens füren. Da wirt verbotten das täglich
lichtfertig oder falsch schweeren/vñ gar nit vom
Eydschweeren gedacht. Das verstündend nun
die Phariseer also: Es lägnüt daran/so man also
im täglichen bruch by Gott schwür/so man die
warheit redt/vñ nit valsch schwür. Item sy ach-
tetend nit/das sy wid dises gepott gesündet hetz-
ten/ob sy schon falschlich schwürind/so sy allein
den namē Gottes nit namptind mit vßgetrucke

ren worten/lagend. allein vff den worten/achtes
ten gar nit/wes gmüts sy wärind/es wäre red-
lich oder vnredlich gehandler. Item sy meintend
nit dz es vnrecht wär/by den creature zü schwee-
ren. Also erwüchs vnder sy solche lychtfertigkeit/
das jnen glych galt/recht oder vnrecht zu schwee-
ren/wie dan yetz vnder vns ouch grosse lychtfer-
tigkeit gebrucht wirt im schweeren. Solche falsch
vnd vnuerstand. wil Christus hic vñstürtze / vnd
spricht/sy sollind gar nit schweeren/ (er meint in
söllichen täglichen reden)sonder jr red sol sin Ja/
vnd sol also sin / vnd Nein/vnd sol ouch also sin/
das wir Christen vns gewendind so redlich vnd
warhafft zesen / das wir einandern by solchen
schlechten worten gloubtrind/vnd vertritwetind/
vñ keiner den andern wyter trybe. Hie wirt aber
keines Eydswereens gedacht/dz mag man ab-
nemen ouch by den creature/so er vstruckt/dann
wer herr yemals Eyd geschworē/od vō einem an-
dern vffgenōmen by Hierusalem/by dem Him-
mel/by der Erden/vnd derglychen / aber in täg-
lichem schweere wirts also brucht mit den Crea-
turen. So verstand nun den spruch Christi also/
das niemand sol in täglicher reed/vß fräuel/vß
eygnem mütwillen falschlich oder lychtfertiglich
schweeren/es sye by Gott/oder by den creature/
sonder wir sollend vns gewinnen/das vnser red
sye Ja/ja/Nein/nein. Desß Eydts halb aber/so der
von vns durch die Oberkeit erfordert wirt/vñh
desß gemeinen fridens willen/oder wo es die Eer
Gotts/oder des nechsten not erforderet/könnend
wir

wir nit darwider/ diewyl er by vnser regel bstat/
wie wir gehört hand.

Pfyster Meyer.

Ich laß by dem Ja blyben/ dz sol mir die war-
heit sin/vñ als vil gelten/als ein andern sin Eyd/
vnd ich halt ouch nit anders dann Ja für Gott
selb/dann Gott ist die warheit/ vnd das Ja / vnd
das halt ich für den Eyd.

Predicanten.

Sodu nun das Ja für ein Eyd haltest/ so bes-
fenstu ye mit vns/das man Eyd schweeren mög/
dann wie du gehört/ so ist das Ja/ oder andere
wort/oder vsserlich wysen/ nit weder zügnussen
der warheit/die du im hertzen fürgenömen hast/
zü halten/vnd geschicht dem brüder zeliub/das er
din hertz erkennen mög/oder vmb gemeines fris-
dens willen/das der vngehorsam Eydbruch ges-
strafft werd/vñ gilt desßhalb glych/wie die vssers-
lichen wort lutend / oder was bruch oder wysen
gebraucht werdend/nach eines yeden lands sitten
vnd gwonheit: Erwan brucht man wort/erwan
nit/erwan hept man zween finger vff/erwan ein
hand / an etlichen orten leyt man die hand vffs
büch. Wie nun die vsserlichen gwonheiten sind/
wirt ein Christen nit daran gelegen sin:dan mag
er den Eyd im hertzen für sich nemen zü leyssen/
so wirt er sich ouch desß vsserlichen nit wideren/
damit er sin meynung vor den lüten bezug.

Pfyster Meyer.

Sytenmal ich befeüt hab/das by dem Ja/die

warheit mag bezeügt werden / so muß ich ouch
befeñen/dz Eydſchweeren nit vnchristenlich sye/
diewyl doch Eydſchweeren nit anders ist/weder
die warheit bezügen. So kan ich ouch nit darwis
der/das vsserlich wort vnd wysen gebucht wers
hind/nach eines yeden lands gwonheit/vñ so ich
also von dem Ja halt/so mag ich ouch wol Gott
darzü nemen/vnd das Ja mit Gott bezügen.

Der ander tag.

Predicanten.

So wir nun Pfyſter Meyer bericht hand/deß
Eyds halb/vnd er befeñt/das der Eyd mit vnser
rer regel wol bestadt/so wöllend wir wyter fare/
vnd den artickeſ von Zinsen für vns nemen / die
gſchriſt erſuchen/vnnd erkundigen/ wie derſelb
by der liebe beſton mög. So wölleſt du vns zü
verſton geben/was din meinung sye von zynsen/
ob die zü geben vnd zü nemen ſygind.

Von Zinsen:

Pfyſter Meyer.

Min meinung ist grad wie die gſchriſt dara
von redt Ezech. xvij. Psal. xv. Namlich ſpricht
der Prophet Ezechiel also: Der vff wücher lyhet/
der muß ſterben. Vnnd Dauid: Her: wer wirdt
wonen in diner hütten:vnd gibe vnder anderem
antwort: Der ſin gelt nit vff wücher lycht. Es ist
ouch

ouch im̄ gsatz den Juden gepöten: Du solt an
dinem brüid nit wücherē/ Deut. xxij. So spricht
Christus durch Lucam. Ir söllend lyhen vnd nit
daruon hoffen: Luce vj. Vnd der Herz durch den
Propheten: Mir gfalt wolthat/vñ nit das opfer.
Osee vj. Deßglichen ouch durch Esaiam: Das
fasten gfalt mir/das du die band deß/der dir züs
kennt ist/vflösisst/die betrengten fry lassst/vnnd
alle bschwärd dannē ryssst / das du dem hungee
rigen das brot theylst/rc. Darumb acht ich/
das vnder den Christen wücher/nit allein sol ges
brucht/sonder ouch nit von inen gseyt werden.

Predicanten protestatz.

Pfyster Meyer / das solt du dich zü vns ver
sehen/das wir dich nit wöllen überylen/dañ wir
nit anders süchen dan̄ die Ker Gottes vnd rech
ten verstand der geschriff. Vnnd damit dich aber
nit beklagen köndest/du mögist nit verhört wer
den/oder zü red kommen. Du solt zyt gnüg han/
darumb hand wir ouch vnder vnns ein ordnung
gmacht/das einer allein vff ein mal mit dir reden
sol/vnd niemants darzwüschend ynfallen/damit
es ordenlich zügang/vnd einer dem andern vff
lose/vnd einer nach dem andern red/das du deß
baß mögest zü antworten kommen / ob ouch yes
mand zügegeu wäre vnder dem huffen der zühö
renden / der do begerte oder wüßte dem Pfyster
Meyer bystendig/vnnd beholffen/oder trostlich
zü sin/der mags fry thün/on alles engelten/das
mit die warheit an tag komme. Oder ob du Psye

ster Meyer yemand wyßtest / den du by dir bes
gerdest zehan/soll dir mit gutem willen vergönet
werden/vñ thüß vns ein wolgfallen daran/vnd
wölt Gott/das alle die zügegen werind / die dis
sen handel fürend.

Pfyster Meyer.

Ich weyß niemand hie/ deß ich begären könt
de/ wäre aber yemand da/der zü mir wölte stan/
möchte ich wol lyden.

Predicanten.

Wir nennend abermal für vnns die regel der
liebe/die wir zü beyden syren bekennen/das sy in
sölchen vßerlichen hendlen müß die recht richt
schnür sin/vnd könnend nit anders reden/weder
das lychen/vnd entlechnen/brüderlicher liebe ge
maß sye/wie aber/vnnd in was gßalt das gßes
hen sol/dz mā by diser regel beston mög/daran
wirts alles angelegen sin. Welcher nun daselb
recht mittel nit treffen kan/wo müß er hinkeere
Nit zur geschrißft / dann do wirt im das nit vß
truckenlich fürgestelt in einem yeden faal/diewyl
Christus nit ein vßteyler ist der jrdischen zytliche
güter/dann sin ryck ist nit von diser welt. Aber
zunn weltlichen richter müß er louffen/ derselb
sol zü aller zyt in allen sachē nach gelegenheyt das
mittel abnemen/vnnd anzeygen/domit man die
liebe nit überträtte/vnnd wir dermaß mit einan
dern handtieren/das einer by dem andern blyben
mög. So nun derselbig richter/yē redlicher/wys
ser/vnnd gottsfürchtiger er sin wirt/so vil näher
wirt

wirt er das mittel treffen. Hiemit wöllend wie
fern wücher/ noch übernutz loben od vertädigē/
es sye wenig oder vil/ sonder alles an die richte
schnür der liebe wysen.

Pfyster Meyer.

Das lychen göttlich sye vnd ein stuck der liebe/
laß ich gern zü/ aber ettwas daruon widerumb
ynnehmen oder joch begeren ynzenemen/mag der
liebe nit gemäß sin/dann Gott hats verpotten.

Predicanten.

So frag ich / ob nit Creditor vnd Debito:/ das
ist/der do gelychen vnd der do entlechnet hat/ ges
gen einandern in glycher liebe verfaßt söllind sin/
also dz wie der lycher dem/der do entlechnet hat/
vergebens gelychen hat/vñ jm güts bewisen/dz
der entlechner jm in glycher liebe ouch schuldig
sye danckbar zü sin/so er es vermag. Du kanst ye
nit wol anderst reden / so doch Christus spricht/
alles das jr wöllend/das üch die menschen thū
gind/das thünd ouch jnen.

Pfyster Meyer.

Es staar klar in den Propheten/ das Gott nit
wöll / das sin volck zins vnder einander bruche/
den wer vermüglich ist/sol vergebens lyche/dies
wyl er es vermag/dan das schatt jm nüt/vnd ist
schuldig zethün / so sin brüder not lydt / on hoff
nung widergeltens. Es ist ouch by den Apostlen
vff widergeltung oder zins zelyche nit gebucht/
sy hand aber wol zur notturfft den armen stür
zusamen gelegt vñ gen Hierusalem geschickt/vñ

so also ein brüder zu not kompt/sol der ander brüder im helfen/dann hat er im vmb zins zelyhen/so hat ers ouch on zins zethün / es entlehnet ouch kein Chust/er bedö:ffe deß daß vnd sye im not/in grossen mangel/vñ nit das er gwün vñ gwerb/vnd köstlich büw damit vffzerichten fürname vñ vnderstan wöll.

Predicanten.

Ich setz dz ein Christ dem andern lybe on hoffnung vnd vffsatz des widergeltens/ allein angesehen sin not vñnd mangel. Der aber entlehnet hat/so er erkennt/das im güts geschehen sye von disem/vñnd vß nöten geholffen/wil im vß fryer liebe / ongezwungen vñnd mit gutem willen ein fründtschafft dargegen thün. Mag er dise fründtschafft mit Gott annemen oder nit?

Pfyster Meyer.

Ja das mag er wol nemen / so er ouch in der not vnd in armüt kōmen ist/vnd in dem fal ist der entlehnet hat schuldig/nit allein das er entlehnet hat dem wider zegeben/sonder mer darzü/vñnd ja sin eygen güd darzestrecken/damit disem brüder geholffen werd.

Predicanten.

Ob aber der schon nit in armüt wäre/der disem brüder gelihen hat/möcht er nit ein sölchen genieß nemen?

Pfyster Meyer.

Nein/dann ein Christ entlehnet nit/es thū im dann not/vñnd welcher entlehnet so die not nit

vorhandē/der thāt vnrecht/diewyl Christus ver-
potten vff den morndigen tag zezorgen/vñ dar-
umb/so der/der ein anderen gelychen hat/nit in
nōtē wāre/sol er ouch nit genieß nemē von dem/
dem er in nōtē geholffen hat/diewyl er es wol
vermögen hat/dann wir sind nun schaffner über
vnsēr gūt das vns Gott geben hat/das söllend
wir recht anleggen/vnnd vnserem brüder fürses-
zen/so er mangel lyt/das wil Gott von vns ges-
hept han.

Predicanten.

Kein spruch ist in aller gschrift/der nutz oder
gwün zenemen verpiete/aber übernutz der ist by
den Christen verpotten/das heißt ouch gschrift
wücher/so sy den wücher verpüt. Vnnd so das
wer/das ein Christ wed gwün noch nutz möcht
nemen/so kōnde auch kein Christ kein hantwerch
try bē. Alles aber/was by der liebe bstat/das mös-
gend die Christen thun.

Pfyster Meyer.

Ein Christ mag wol ein gnieß von siner arbeit
nemen/sin volck/wyb vñ kind daruß züenthalte.

Predicanten.

Lychen vñ entlechnen ist ein ding/das göttlich
vnnd vngöttlich mag gebrecht werden/als ouch
andere vsserliche ding/on die wir nit sin mögē/
so lang wir in dem fleisch hie in diser zyt wonē/
darumb hand wir die regel der liebe/in disen vñ
anderen vsserlichen hendlē/vff die wir sehen sö-
lend. So verpüt ouch die geschrift kein anderen

gnieß/wed der mit trang des brüders geschicht/
vnd wider die liebe ist. Darumb könnend wir nit
ein yeden glych verdamen / der do gnieß nimpt/
vnnnd die für vnchristen achten/die nun hoffnung
bettend des widergeltens nach dem büchstaben/
wer mag siner begird also meister sin/dz er ouch
nit hoffe?

Pfyster Meyer.

Paulus redt von der liebi/die nit eygennützig
sye/vnnnd nit iren gnieß süch/sonder allweg den
nutz des brüders/i. Cor. xiiij.

Predicanten.

Siewyl die regel der liebi sy beyde glych bindt/
namlich den der do lychet vnnnd der entlechnet/
so bin ich ouch schuldig zelychen vnd fürsetzen.
Nun ist die frag/ob nit die liebi den ouch zwing
der entlechnet hat/als wol als den d'gelichē hat?

Pfyster Meyer.

Christus spricht/so ir güts thünd denen/die üch
liebend/was dancks hand jr? Vnd so jr denen ly-
chend/von denē jr hoffend zenemen/was dancks
hand jr daruon? Dañ die sündler lyched den sün-
deren/vff das sy ouch glichs wider nemind. Aber
vil meer liebend üwere fyend/thünd wol vnd ly-
chend/do jr nüt dauon hoffend/so wirt üwer lon
groß sin/vnd werdend kinder des allerhöchsten/
dann er ist gütig /über die vndanckbaren/vnnnd
boßhaftigen. So nun vß disen worten Christus
wil/was man lyche/dz man dauon nit hoffen sol/
so ists ouch nit recht zenemen /dañ ein Christ ent-
lechnet

lechnet nit/er bedürffe es dan/vnd so ouch die liebi
nit das jr sucht/vnnd Paulus spricht/ geben sye
heiliger dan nemen/so sollend die Christen geben/
vnd nit dauon nemen.

Predicanten.

Der entlehnet hat/ist als wol in dem spruch
vergriffen/das es heiliger sye geben dan nemen/
als der/der gelichen hatt/dann die liebe reicht vff
beyd theyl/vñ allwegen gegen deß nechsten nutz/
also folgt/das allein der gnieß verpottē / der wis
der die liebe ist.

Pfister Meyer.

Dem sol man nit geben / der nit bedarff. So
aber der einem brüder gelychē hat notturfftig ist/
sol der entlehnet hat/nit allein so vil widergeben/
sonder ouch sin güt darstrecken. Demnach so ist
das lychen vff gwün nit lang gsin/sonder züges
lassen von Bapsten/nebent dem Gottswort vnd
on deß grund.

Predicanten.

Im Concilio zü Basel / sol der zinsß von hune
dert fünff zügelassen sin. Nit aber vffgesetzt als
göttlich vñfers bedunckens/sonder allein der bes
schwärlich übernutz vnnd gyt/durch das mittel
geweert werde/als man dann vorhin von hune
dert acht oder nün gefordert vnd geben hat. Sö
lichen beschwärlichen drang abzustellen / ist das
milter zügelassen/vnnd so aber das widergelten
nit an der zal staat/es gschäch vmb vil od wenig/
mag die liebe das erwegen/das alles widergel

ren/das on trang des brüders geschicht/göttlich
sye/es sye/eins/zwey/oder fünff oder zehen. Also
sol man den überschwancklichen trang wees
ren/dañ was den brüder trengt/es geschehe vmb
wenig oder vil/das ist vnrecht/es sye schon wie
wenig es wöll/gschichts mit trang vnnnd trucken
des brüders/so ist vnngöttlich. Also widerumb/
es sye wie vil es wöll/mags der entlechner on sin
trang/dem der im vß nöte geholffen hat/wider
keeren zur danckbarkeit/diewyl er des lybens ein
sölchen gnies empfunden hat/so ist er es schuldig
zethün/vß der regel der liebe/vnd diß magst du
ouch mit Gott Chustlich vnd wol nemen.

Pfyster Meyer.

Ich laß es zu/vnd hab ouch nie anderst geleert/
dan den zins sol man geben/aber nit nemen/vnd
so einer vermag zilyhe/so ist im ouch vnshäd
lich das zethün/on besunderen gnies/dann wär
sin gelt vff wücher licht/der thüt vnrecht/es wirt
ouch kein Christ entlechnen/es thü im dann not.
Hierumb so ist der wücher von Gott verpotten/
Ezech.xviii. So ein mensch from ist/er gibt nit
vff wücher/er nimpt kein übernutz oder rütschart.
Ouch im xv. Psalm. Wer sin gelt nit vff wücher
lycht/der wirt wonen in den hütten des Herren.

Predicanten.

Das wörtlin im Ezechiel vertütscht wücher/
oder rütschart / heyst nach art der Hebraischen
sprach/schinden/schaben/vnd beschwärlich übers
nützen. Also ouch im Psalmistē/dz da vertütscht
ist

ist wücher/heißt ouch drengen vnnnd schwärlich
übernützen/das also vß der geschriff nit wyter
verpotten wirt/weder übernütz/damit der brüd
beschwärdt vnd beträngt wirt. Darwider ouch
alle Christenliche predicanter leerend/namlich das
kein beschwärlicher übernütz recht sye/sunst aber
im Tütschen ist wücher ein wörtlin/das ouch in
gütem verstanden wirt/als wir nemend den erd-
wücher. Vnd der Wyßman spricht/ Der sich deß
armen erbarmet/wücheret dem Herzen/vnd wie
dann sömlichs in der geschriff wyter erfunden
wirt. Nach dem aber der Gloub vnd liebe/die
gründlichen hauptstück sind eines gottfälligen
menschen./ söllend daruß alle thaten nach der
liebe gericht werden. Daher es sich ouch in allen
texten der angezognen gschriff findt/das sy alle
dahin tringend/das die regel der liebe bstande/
vnnnd einer sinen brüder recht meine/dann Gott
allein den beschwärlichen übernütz verpüt/ also
ouch Luce vj. durch Christum geschicht. Darum
alles das/so by vnd mit der liebe bstan mag/ein
Christ wol nemen vnd gniessen mag.

Pfyster Meyer.

Ich halt/was einer wyter näm/weder er gelis
hen hat/das sömlichs übernütz sye/vñ von Gott
verpotten/bsonder so er den gniess. zu nemen nit
nottürfftig sye.

Predicanten.

So lang einer sin hauptgüt hat/mag er das
niessen/vnd so lang er das vßlycht/so hat er deß

ouch nit nutz/dahar dan die liebi/den so entlechn
net hat bindet/gegen dem lycher danckbar zessin/
vnnnd in etwas gnieß was on sin drang möglich
zegeben /darumb nimpt er nit übernutz/so lang
er sin houptgüt vßlycht/sonder allein etwas nutz
vnd gnieß/so vil dann ein Oberkeit/die über zyt
liche ding zerichten hat/gemäß vnnnd zimlich ers
achten wirt/danckbar erkantnus/vnnnd ein gnieß
dem lychenden zegeben ist nit verpotten/sonder
allein rütschart vnd übernutz/vñ was mit drang
deß brüders geschicht/vnd zü glycher wyß wie der
gyt der liebi widrig ist/vnnnd die schnür der liebi
überschryt/also ouch vndanckbarkeit der liebi wi
drig ist/so einer vmb empfangne wolthat das nit
erkennen wölte. Deshalb in semlichen fällen kein
andere regel baß dargestellt mag werde/dan die
liebi/zü deren wir vns richten söllend/damit wir
nit mit gyt oder vndanckbarkeit bemaßget wer
dind. Wie aber Psyster Meyer das hoffen ange
zogē/das wir lychen söllind vñ nüt daruon hof
fen/dz streckt sich so fer:/als do Christus spricht/
Wir söllend volkōmen sin/wie vnser himelscher
vatter volkōmen ist/das aber keinem menschen
möglich in disem sterblichen fleisch zeerlangen.
Darumb wir demnach /was an der volkōmens
heit abgaat / zü der liebi louffend/vnnnd vnseren
brüder nit irengend/sonder allein ein gnieß em
pfahend/so vil das by der liebi bston mag/dann
wir ye nit on begird vnnnd hoffnung sin könden.
Vnd ich frag also Psyster Meyer/So zween kö
mind die von mir entlechnen wöltind/vnnnd ich
hoffte/

hoffte/der ein wurde mir es widergeben/der ander nit/also das ich nüt von ihm wider hoffte/vnd thäte jnen beyden aber glych not/wäre ich nun nit ein Christ/so ich dem einen in der hoffnüg lyche/vñ dem andern nit/so ich der hoffnung nit fünd ab sin?

Pfyster Meyer.

Wenn es beyden not thüt/ob schon einer ein Christ wäre oder nit/so bistu jm schuldig zü lyhen vnnnd nüt zü hoffen/damit wir kinder des allers höchsten syend.

Predicanten.

Sie hoffnüg ist doch in feins mensche gwalt/glych als ouch volkōmen sin. Also diewyl wir les bend/so manglend wir/vnd zü erkantnus vnsers mangels hat vnns Gott semlichs fürgeschriben/damit wir vns als vnnütz knecht erkennind Vnd deßhalb/was Christus Luce vj. gelert hat/das ist nüt anders/dann was die Propheten geschriben hand/dañ Christus hat vns aller zytlicher dingen vnnnd handlungen ein richtschyt geben/die liebi/vnd gesprochen: Alles das jr wöllend/das rich die menschen thügind/das söllend jr jnen ouch thün. Hierinn weder in Propheten/noch by den Euangelisten/anders nüt verpotten ist/dañ das wider die liebe ist. So wir aber alle menschen sind/vnnnd im fleisch wonend/so werdend wir darüber houwē/der ein im gyt/der ander in vndanckbarkeit/damüß man nun zü dem richter louffen/das ist/zü menschlicher gerechtigkeit/die wirt vns ouch

so vil müglich zum nächsten vff semlich richtschyt
der liebe wysen / damit wir nit vber das / weder
mit gyt noch vndanckbarkeyt houwind / dann
Matth. xxiij. Luce xvi. Johannis xvij. Christus
sich gantz nit vñ zylich güt yngelassen hat / noch
darumb entscheyd geben / sond das alles mit der
regel der liebe begriffen / dannenhar so ferr / vnd
ein oberkeit Christenlich / vñ ye Christlicher sy ist /
also lat sy ouch Christenlicher Mandat vßgon /
vnd wyset die iren zum nechsten zü der regel der
liebi / damit niemand durch gyt / vñnd beschwär-
lichem übereutz getrengt / oder durch vndanck-
barkeit dem wolthäter kein erkantnus erzeyge /
vnd vff eines anderen seckel verlassen lebe / vñnd
ich frag / so doch Christus spricht / Gib einē yeden /
der von dir begert / so ich einem gelychen het / vnd
ich schon nit mangel het / vñnd von im begerte / er
sölte mir ouch geben / solt er mir nit mit Gott ges-
ben mögen ?

Pfyster Meyer.

Die liebi wirt das wol richten / dann so einer
nit bedarff / so wirt er ouch nit begeren / demnach
j. Joannis iij. lert vns Joannes / wie wir sin söl-
lend / vñnd spricht da von geben vnd nemen / das
die / so diser welt güter hand / jr hertz nit söllend
verschliessen vor irem brüd / den sy sehend man-
gel han / damit vñnd wir in der liebe eins syend /
wie ouch Christus vnd der vatter eins sind / vñnd
also durch semlichs wir durch die liebi in Gott
syend. Nun hat aber Christus dem vatter / weder
zynß noch zehenden gen.

Predic

Predicanten.

Was Christus vom vatter empfangen/hat er
im nach seiner maß ganz überflüssig volkōmenlich
vnd mit gewyn/darum er in die welt geschickt
hat/widergeben/vnd daruon im nüt verloren.

Pfyster Meyer.

Ich weyß wol/das einem Christen nüt schatt
zins zegeben/man mag ouch wol in der liebi zins
von bödmen gen/diewyl dem/so die bödem hat/
jārllich daruon nutz erwachst/das aber vom gelt
nit geschicht.

Predicanten.

Siewyl wir fleischlich vnd geistlich sind/vnnd
aber nit in die volkōmenheit/die vns Gott für
schrybt/kōmen möged/so müßend wir ye für den
richter kōmen/vnd was vns in der volkōmenheit
abgaat/dennach durch weg vnd wyse des rich-
ters vns zur liebi wenden/vnd vns deren beslyß
sen/so vil mūglich. Also schrybt vns Gott sinen
willen für/so er vnns leert/wir söllind vnserem
fyend gūts thūn/wer ist aber/der söllichs thūge
vß hertzlicher liebi/wie es Gott beuolhen hatt?
so wir nun das nit thūnd/müßend wir daby er-
kennen/wie gerecht Gott sye / vnnd wir aber so
böser art. So nun Gott das an vns weyßt/was
wir für ein gmächt syend/fart er da mit sinen ges-
potten wyter herab/von einem grad vff den an-
dern/damit er vns joch volkōmenlich vnseri art
für vnser ougen stell / vnnd spricht / Du solt nit
zürnen/das ist: So du nun erkennst/das du dinen

fyend nit kanst lieben/ wie ich dir gepotten hab/
so lüg doch/laß die fyendtschafft vnd grollen nit
vßbrechen/zürn nit über jm/laß dich nit mercken/
laß sehen wie vil dir das geratten. Kanstu aber
dahin ouch nit kōmen/vnnd kanst dich des zoms
ouch nit erwerben/so red jm doch nit vnwürs zū/
gib jm kein böß wort/oder zeychen/sag nit zū jm/
Kacha. Magst du dauor ouch nit syn/so hüt dich
vor scheltworten/sag nit zū jm/du narz. Wil dir
das aber fālen/vnnd kanst deren keins halten/so
lüg/füg jm kein schaden zū an sinem lyb/eer/oder
güt/ꝛc. Wirstu das ouch überträtten/yetz ist der
richter vorhanden/dem bist du yetz in sin hand
worden/der soll dir weeren/das andere vor dir
blyben mögind. Also hand wir in disem handel
ein klar exempel vnserer arbeytseligkeit/vnd mer-
ckend/wie wir so gar nit dahin mögend kōmen/
dz wir dem gsatz der volkōmenheit gelebē möch-
ten. Noch wil vns der Herz darūm nit hinwerf-
fen/so lang wir vns arme sūnder bekennend/vnd
nit nachland/nach sinem willen zetrachten/vnnd
den durch sin gnad begerend zū erreychen. Wir
sind nit destminder in der zal der Christen/ob wir
schon den höchsten grad nit erreycht hand/dann
wir erkennend vnser ellend/klagend das Gott/
vnd vertrösten vns deß verdiensts vnseres Her-
ren Jesu Christi/durch wölchen wir von vnsern
sūnden mögend ledig werden. Also ouch hie in
vnserm handel der will Gottes ist/das wir lychen
vñ nit daruon hoffind/wer kan den willen Gottes
erreychen? Darby müßend wir erkennen Gottes
volls

vollkomenheit vnd sinen willen gegen vns/dann
da wirt vns fürgestellt ein bild vnd spiegel eins
vßbündigen diener Gottes / wie der sol gesinnet
sin/dem wir ouch söllend nachtrachten / vnd vns
derstan zü ergryffen / vnd so lang wir das nit er-
reycht hand / das wir vnserer hoffnung vnd an-
derer vnserer begirden mögend meyster sin / müs-
send wir vns für sündler erkennen / vnd vor Gott
flagen / dz wirt nun wären so lang wir in disem
fleisch lebend. Wie muß man aber diser bösen art
deß fleischs in disem handel zühilff kommen / das
vnart / gyt / vndanckbarkeit / vñ trang deß nech-
sten verhietet werd? Zum richter muß man louf-
fen / der das regiment über zytlich güt in henden
hat / der sol dem fleisch in disen dingen ein zyl ste-
cken / wie gehört ist / dz by der regel der liebi bston
mög. Nimm ein ander exempel: Es staat geschriben
im v. büch Mose am xv. capit. Es sol allerding
kein armer vnd üch sin. Das hat nun ein glychen
verstand / wie das wort in Luca / von dem wir yetz
handelnd / dann da was dem volck gepotten / ein
anderen zü enthalten / das keiner vnder jnen zur
armüt köme / das sy einander sölten gebē / schen-
cken / mittheilen: Si ewyl aber Gott wußt / dz sy
diß gepott nit halten würdind / satz er glych dar-
vff ein anders / das lut also: Wen aber diner brü-
dern einer arm ist / so soltu din hertz nit verhertē /
noch din hand zü halten / gegen dinem armen brü-
der / sonder solt sy im vffhün / vnd im lichen nach
dem er manglet. Sie sichstu / das zwey pott glych
vff einandern gond / hertend sy das erst gehalten /

Dis ort/
legt Luc
cam am
vj. vß.

so wäre keiner vnder jnen in armüt kommen/vnnd
hett man des andern gepots nit dörfen. Die wyl
aber Gott wußt/das sy es nit halten würdind/
setzt er das ander glych druff/damit er dem armē
brüder narung schuff/vnnd zum dritten setzt er
noch eins/ob dise bede übertreten würdind/das
dem brüder/weder durch geben/nach lychen ge
holffen würd/vnd er vß armüt gezwungen sich
züuerkouffen/das sy joch den bedächten/das er je
brüder wär/vnd sy ouch knecht in Egyptenland
gfin wärind/vnnd also barmhertzigkeit mit jnen
theyltind/vnnd in nit zü vil beschwärtind oder
trucktind. Das erst gepott soltend sy gehalten
han/sy mochtens aber nit erreychen/darum müß
der brüder in armüt kommen/dem ward nun ge
holffen durch das ander gepot/das er solt erhal
ten sin worden / durch lychen on allen vortheyl.
So sy aber diß ouch übersachen / ward der arm
gezwungen zü dienen/vnnd sich zü verkouffen/
dem kompt nun der Herz zü hilff mit dem dritten
mittel/wo nū da ouch gfällt ward/was der rich
ter vorhanden/der müß dem müßwilligen ein zyl
stecken. Das alles ist darumb geschehen/das der
Herz/deß volcks ellend wol erkandte/das es nit
dahin wurde kommen/das es weder den ersten/
noch den letzten grad wurde halten nach sinem
gfallen/darumb müßten sy glych vrsachen gnüg
han/mit so vil mitlen / deren sy doch keins recht
gehalten hettend/ir ellend zü erkenen/nach hat er
sy nit übergeben/vñ einwegs von im gestossen/
sonder sy gnediglich geduldet/vñ zur besserung
erhalte

erhalten/wie vil mer wirt er den nit verwerffen/
der sin hoffnung vnnnd trost vff Christum gesetzt
hat / vnnnd sich täglich beslyßt der volkomenheyt
nachze jagē/wie jm von Christo Jesu fürgeschriben
ist/ob er schon noch nit zum höchsten kōmen
ist/der sich täglich sins ellends beklagt/vnd Gott
vmb gnad anrufft. Vß disem allem merckt nun
Pfyler Meyer wol/ob wir den wücher mit vns
ser leer verthädigen/ob wir in loben oder rechte
geben/wir kōnnend in nit rümen/es gange dan
aller gstalt dem beuelch Christi nach. Das redend
wir aber/dz der nit destmünd ein Christ sye/der
schon das wort Christi (lychend on hoffnung)
noch nit erreicht hat/so ferz das er sich sines han
dels täglich beklagt/ als der do sündig ist/so lang
er empfindt/dz er nit nach dem wort Christi ynher
gadt/wie er dann sich alles sins lebens beklagen
soll/das durch den anhang deß fleischs durchvß
mit sünden bemaßget ist.

Pfyler Meyer.

Mit diser iüwer red werdend jr den gytigen
vnd wücherern thür vffthün / das sy noch böser
werdend/in gyt vnd wücher fürzefaren.

Predicanten.

Mit vnser diser leer/die warhafftig vnnnd in
Gottes wort gründt ist / ist vnser meinung nit/
dem wücherer anlaß zegeben/dann wir glich als
wol den wücher vnd übernutz beschelten als er/
wie Gottes wort leert. Der meinung möchtind
wir wol von jm reden/das vß siner leer/dem vns

warhafftigen vnnnd entlehnenden anlaß geben
wurde/wider heyter Gottes wort/niemand nüt
vñ das sin zegebend/darumb wir allweg by der
liebi blybend/darnach alle handlung soll gericht
werden. Paulus leert vns/wir söllind yederman
bezalen alles was wir schuldig sind/das ist ouch
vñser leer. Nun weerend wir dem wücher ouch/
vñd wiewol sich vil vñderschlouffend/ vñd gern
nüt bezaltind/ so löndend wir die warheit nit vñ
der bösen willen verhalten/also ouch das sich die
gytigen yntringend/ stadt vns nit zü verwysen/
die yederman (ongeacht der liebi) gern schinden
vñd schaden wölten/darumb die liebi/ein mittel
vñnd ein regel ist/darnach alle handlung gericht
sol werden. Also ouch der spruch Christi nach der
liebi gericht sol werden/da er spricht:Alles das je
hand/das verkouffend/vñd gend es den armen.

Pfyster Meyer.

Ich hab nie anders gelert/dann das alle mens
schen bezalen söllind /das sy schuldig sind / aber
yetzmal weissz ich vñnd kan mit der geschriff nit
wyter kōmen/wiewol ich in minem hertzen noch
nit verstan kan /das sy die liebi so wyt erstrecke/
das einer von gelychnem gelt ein gnieß mög ne
men/vñnd das von deß gelychnen gelts wegen/
so weissz ich doch yetzmal nüt darwid ynzebrin
gen /vñnd beger also /daß man mich nit wyter
trenge/so wil ich Gott wyter vmb gnad bitten/
damit ich semlichs ouch verstan möge. Jedoch
wil ich daruon nit wyter leeren/sonder allein den

übernutz weeren vnd straaßen.

Predicanten.

Vnser vil genempt schnür vnnnd regel wyße vns/diewyl Pfyſter Meyer nit wyter mag/vnd aber von vnns begert in also zedulden/das wir mit im mitlyden vnnnd gedult föllind haben/wie er begert.

Von der Oberkeyt.

Predicanten.

Sytenmal man müß der zinz halben / an ein oberkeit kommen/wie yetz gehört iſt/vff das man die regel der liebi mög ergryffen/die do ein richtſchyt vnnnd schnür ſin ſoll einem Chriſten in allen vfferlichen hendlen / ſo fordert nun dieſelbig regel/vñ ouch die ordnung/das wir von der oberkeit müſſend handeln. Darumb Pfyſter Meyer/wie halteſtu von einer Oberkeit ?

Pfyſter Meyer.

Ich halt / das vnder allen völkeren müß ein Oberkeit ſin / ouch vnder Chriſtenlichem volck. Wie aber dieſelbig ſin ſol / zeygt vnns Chriſtus mit diſen Worten : Welcher vnder üch der größt iſt/ſol ſin wie der jüngeſt / vñ der fürnempſt/wie der diener. Vnd abermal : Ir werdend dann wie die kinder/ſo werdend ir nit in das rych Gottes kōmen. In der Apoſtel gſchicht liſt man nit/das die jünge ein weltliche Oberkeyt vnder jnen erwölt habind/ da jren doch ein groſſer huſſ was/

namlich vff ein zyt fünffthufent/ vnnnd finde man
aber/das sy Tischdiener verordnet hand/vñ Dia-
con. Wäre nun von nöthen/das ein Oberkeit vß
den Christen erwelt wurd/sy hettends frylich nit
vnderlassen.

Predicanten.

Sie liebi/die vsserliche ding beschnürt/die vor-
dert ein oberkeit / damit der fromm vor dem bösen
beschirmt werde/also soll vnder allen völkern
ein oberkeit sin. Das aber Pfyster Meyer leü-
get/das ein Christ ein oberer sin möge/das wirt
bewärt. Zum ersten/Ratione officij: das ist/von
ires ampts wegen/das sy diener Gottes vñ der
gmeind sind. Zum andern/Authoritate: das ist/
von deß beuelchs wegen der gschrifft / das wir
vß der geschrifft hand/wer dahin soll verordnet
werden/als das Exodi am xviiij. Deut. j. vnd by
den worten Pauli erlernet wirt. Vñ zu dem drit-
ten/Exemplo: Das wir vil exempel vnd vorbild
hand/das vil lüt/die Gott fromm nempt/an der
oberkeit gsin sind/als Joseph/Nicodemus/Era-
stus/Cornelius/vnnnd andere. Das aber Pfyster
Meyer vß Matth. am xviiij. vnd Luc. am xxiij. ein
spruch eingeführt hat/sagend wir: Christus redt da
von dem ampt der jüngerer / dann es gar ein
anders ist/ein Apostel Gottes sin/vnd ein welt-
licher obrer sin. Deshalb Christus am bemelten
ort/die cergytigkeit der jüngerer verpüt / die sy
suchten/vnd schlecht das ampt nit ab.

Pfyster Meyer.

Ich bekenn wol/das vnder allen völkern ein
obere

oberkeit sin soll. Aber vnder den Christen wer ein oberer sin wil/der soll des andern knecht vñ diener sin. Also hand die Christen ein andere oberkeit vnder jnen/dann die Heyden.

Predicanten.

So einer zü den Heyden käme/gan predigen/vñ die göttlich leer einem obersten gwaltigen ins hertz fiel/wie die leer Pauli Sergio in das hertz gfallen was. frag ich: Ob nun der nit ein Christ syn/vnd das ampt der oberkeit behalten möchte?

Pfyster Meyer.

Er künde das ampt nit lang behalten.

Predicanten.

Wäre dz ampt d leer widrig gsin/so hette Paulus den Sergium gheysen das ampt verlassen. Ich frag aber/mag auch ein Christ eyge lüt han?

Pfyster Meyer.

Ist er ein Christ/vnnd hat eygen lüt/er wirt sy loß lassen.

Predicanten.

Philemon was ein Christ/vnd hat eygen lüt/dan Paulus wolt jm syn knecht vnd eygenman nit on vilob behalten/wiewol er sinen beddissen hett/als das die Epistel zü Philemon wyset.

Pfyster Meyer.

Paulus hat in dem Philemō/nit als ein knecht geschickt/sonder als ein brüder.

Predicanten.

Das bewärde nit/das er darumb kein eygene

man bliben sye. Paulus leert by dem Timotheo
in der ersten am vj. wie sich die eygenlüt gegen
iren Herren söllind halten/vnnd spricht also: Die
Knecht/so vnder dem joch sind/haltind ire Herren
aller Eren werdt/vff das nit der nam Gottes/
vnd die leer glestert werd. Welche aber gleubige
Herren hand/die verachtind sy nit/diewyl sy brü
der sind/sonder syen vil mer dienstbar/2c. Item
Nicodemus / Joseph von Arimathia / sind from
gerecht lüt / vnnd Katsheren gsin. Deyglychen
ouch Cornelius ein hauptmā über hundert man/
vnnd Erastus der statt seckelmeister/dise alle hat
Paulus nit geheysen von emperern abstaan. Wo
jnen nun die ämpter soltind schädlich gsin sin/
wäre er an jnen nit ein trüwer Apostel gsin/das
aber ferz sye. Diewyl aber alle welt/wie er bes
feñt/ein oberkeit han müß/so leert vns demnach
das Gotts wort/wān man darzü erwellen söll/
dann also stats im andern büch Mosi/am xviii.
vnd im v. büch am j. capit. Sich dich vmb vnder
allem volck/nach redlichen lüten/die gottsförch
tig/warhafftig/ vnd dem gyt syend sind / die setz
über sy. Also Paulus Rom. xiiij. Sy sind gottsdie
ner/hieruß erzwungen wirt/das einer wol mag
ein obrer sin / vnnd damit Gott dienen: dann so
man im altē Testament/nun die aller gottsförch
tigisten vnd dem huffen hat söllen zū disem ampt
erwellen / warumb solt man zū disen zyten nit
ouch mögen vß den Christen obrer setzen: ja das
mag man fry reden/das das ampt der oberkeit
nun gottsdienner forderi/darumb so einer fromer
vnd

vñnd ein besserer Christ ist/ so er diesem ampt bil-
licher vñnd fruchtbarer mag vorstan. Dann also
spricht der from̄ künig Josaphat zū den richtern
der Juden/ ij. Paralip. xix. Sehend zū was ir
thüend/dann ir haltend das gericht nit den mens-
schen/sonder dem Herren/vñnd er ist mit ūch im̄
gericht/darumb lassend die forcht des Herren by
ūch sin/2c. Das ist ye gwaltige geschriff/die nie-
mand kan leugnen/daruß erzwoungen wirt/das
ein oberkeit Gottes ampt fñrt/vñnd so sy gotts-
fürchtiger ist/so sy ouch Gott baß gfalt/vñd das
ampt dest redlicher mag vßrichten.

Pfyster Meyer.

Also mag ouch ein Heydnische oberkeit diener
Gottes sin.

Predicanten.

Mag nun ein Heyd ein gottsdienst thūn / so
mag das ein Christ vil baß/ vñ ist im feins wegs
abgeschlahen. Also rhūmpt Paulus/das etlich zū
Rom am hoff Tiberij des keyfers Chusten wur-
dend / doe aber nüt destminder am hoff blybend.
Also ouch d'Erastus am Seckelmeisterampt blis-
ben ist. Rom. xvj. Phil. iij.

Pfyster Meyer.

Das schwerdt so Gott im̄ alten Testamēt yn̄
gesetzt/das ist verendert/dann Christus hat vn̄s
den Bañ darfür geben vñnd yn̄gesetzt. Siewyl
nun die Chusten den Bañ hand/vñd der von den
Apostlen brucht ist worden / soltend sy denn das
schwerdt darzū han/so wäre doch die burdi vñd

last schwärer dann der Juden.

Predicanten.

Sie vordert die not/das man vom bruch des
schwerts rede/namlich ob ein Christliche oberkeit
ouch mög das schwert bruchē/das böß straffen/
vnnnd das güt handthaben. So merck also: Die
Apostel sind vnder einer Heydnischen oberkeit
gsin/die aber die laster/so ein Christ schühen soll/
nit gstraafft hand/als hüren/suffen/füllen/brast
sen/gyt/lesterung vnd derglychen. Darumb dies
wyl ouch von nöten was / da die kilch angefangen/
das sy die strafft der lastern vnder jnen ouch
hertind/hand sy die warnungen vnnnd vßschlies-
sungen müssen an die hand nemen/dañ sy mocht
tend mit dem vsserlichen schwert nit straffen/das
jnen nit befolhē was/das ist die vrsach des bañs
by jnen gsin. Nach dem aber ein Christliche ober-
keit solche laster-selbs ouch strafft/wirt der Bañ
nit meer von nöten sin. In statt aber der war-
nung dient by vns in der Statt dz Cho:gericht/
vff dem Land aber die vffseher vnd Regoumer.
Die vrsach/darumb jr vermeinend das schwert
mög von einer Christlichen oberkeit nit zur straff
geführt werden/vnnnd das ein Christ nit soll über
das blüt richten/ist die liebi/wie du vürgibst/dañ
du sprichst/es sye wider die liebi/grad dieselb vrs-
sach ist/s dardurch der oberkeit das schwert be-
folhen wirt: Ja die liebi ist eben das heffti/daby
der obrer das schwert ergryffen soll / damit wir
abermal vff vnser regel der liebi komind/dañ die
liebi

Orhab
des Bañs.

liebi fordert/das man den lastern weer/vnd sy ab-
nem/ouch die vns beleydigen vnd beengstigend
vns ab dem halß richte/dann es ye weger ist/das
man einem ein mülistein an halß hencck/vñ in das
wasser versencke/dann das er in siner ergernus
fürfare.

Pfyster Meyer.

Christus hat niemand geheysen tödten/deß-
glychen ouch die Apostel hand niemand getödt/
wiewol jren vff einmel/als ich verstand/by fünff-
tusent gsin syend.

Predicanten.

Das ist die vsach gsin/das sy ein oberkeit hats
ten/die das schwert fñrt/die aber nit vnder jnen/
sonder vnder den Heyden was/darumb do:ffts
keins besondern trybens. Siewyl aber ein obrer
nit sich selbs richtet/sonder sin ampt treyt das
mit jm/das er den bösen dem güten abnem/wirt
er vß liebi vnd in grossen mitlyden/nit vß müts
willen oder fräuel/nit vß rachgirigkeit/oder blüts
durst/sonder allein von ampts wege/den froma
men zü güte das böß straaßen/vnd vßrüten.

Pfyster Meyer.

So einer sündiget vnd gnad begert/soll man
jm verzychen/als dan Christus gnad bewyßt/vñ
gethan hat/denen so sich versündiget hattend/
vnd gnad begertend.

Predicanten.

Vff das Pfyster Meyer dest baß bericht em-
pfahē mög/wöllend wir jm das v. capitel Matth.

vnd das vi. in Luca züuerstan geben/namlich an
dem ort/da er dise vnnnd derglychen sprüch list/
Du solt dem übel nit widerstan/welcher dich an
ein backen schlacht / dem heb den andern ouch
dar/Du solt nit töden/Nit zürnen/Sinen fyend
lieben/2c. So merck also: Der mensch ist zweyer-
ley art/namlich innerlich vnd vsserlich/geyst vnd
fleysh. Oder nim es also: Den menschen müß
du betrachten der person halb/oder ampts halb/
wie nun er also zweyerley art ist/oder wie an im
zweyerley zü betrachten sygind/also wirt ouch in
zwen weg mit im geredt in der gschrifft/darum
müß man wol daruff sehen / so man ein spruch
hatt/in was gestalt er mit dem menschen geredt
werd/ob er den innerlichen/oder vsserlichen/die
person oder ampt betreffe. Dann was mit dem
innerlichen oder mit der person geredt wirt/das
betrifft alle menschen/vnd ein yeden in besonder-
heit/der do begert recht zü thun. Was aber mit
dem vsserlichen/vnnnd von ampts wegen geredt
wirt/das wirt nit einem yede/sonder den ampts
Lüten vñ denen/so in solchen ämptern sind/gseyt.
Als nimb ein exempel/man sol recht thun/die ge-
pott Gottes halten/Christum im glauben an-
men/den nechsten menschen lieben/das fleysch vñ
begirden demen/das gat nun yederman an/er sye
wer er wöll. Es sind aber darnach die menschen
zerreylt in mancherley vnderschiedliche ämpter vñ
ständ/einer in der Ke/der ander junckfrow/einer
Fnecht/der ander Herr/einer ein Predicant/der
ander ein weltlicher obzer/so hat nun Gott in der
gshrifft

gſchriſt auch verſehen/das nit allein gemein leer
ren geben würdind/yederman gemeinlich betref
fend/ſonder auch ein yeder/nach ſinem ampt vnd
ſtand ein bſunderē bericht hett/der jm allein vber
die gemein leer auch gepürte zū wüſſen vñ zū hal
ten von ſins ampts wegen. Also do Chriſtus im
Mattheo ſpricht: Selig ſind die armen im geiſt/
betrifft alle Chriſten/ſy ſyend wer / oder welcher
ley ſtand ſy wellend / Herz oder knecht/ gemein
man/oder Apoſtel vnd diener deß Gottes worts.
So er also ſpricht: Ir ſind das ſaltz der erden/
betrifft allein die Apoſtel vñnd diener des Gottes
worts/dieſelben ſollents ſaltz ſin/das iſt/ mit leer
vnd leben/mit ſtraaff vñnd warnung/betterung
am volck ſchaffen/vnd flyſſig vffwachen/dz daß
volck nit verſule/oder verderbe. So werdē nun
also beyde wort mit den Apoſtlen geredt. Das
erſt: Das yederman gſeyt wirt/selig ſind die ar
men im geiſt/dz gat ſy auch an/der perſon halb/
deß innerlichen menſchen/oder geiſts halb. Das
ander aber/das ſy allein betrifft ampts halb/die
wyl ſy zū dem ampt verordnet ſind/Ir ſind das
ſaltz der erden / also ſtats auch vmb diſe ſprüch/
Du ſolt dem übel nit widerſtan/vñ derglychen/
diewyl ſy den geiſt den innerlichen menſchen/
vnd die perſon betreffend/ſo werdē ſy mit vns
allen geredt/vñ wirt hie niemands vßgenomē/
er ſye man/wyb/ her:/oder knecht/predicant oder
andere/wie vnns dann allen gepotten wirt/den
nechſten zelieben /ouch dem ſyend güts zethin.
So wirt nun einem yeden Chriſten beuolchen/er

sollen nit töden/sich selbs nit rechen/dem übel nit
widerstan. Das ist/darnach söllend alle Christen
trachten/mit allem floss fechten/das sy dises bild
eins rechtgshaftnē Christen möchtind erreychē/
vnnnd dahi. kommen/das sy wöltind noch meer
vnrecht lyden / den andern baggen ouch darge-
ben/noch vil meer gwalt vnnnd übertrang lyden/
ee dann sy sich rechen/böß mit bösem vergelten/
vnd den übelthäter verletzen wöltend/vnnnd das
alles ist ein yeder schuldig siner person halb/in si-
nen sachen/er sye ober oder vnderthan/dann es
wirt der person gseyt. Darnebend aber hat der
oberer wyter beuelch sins ampts halb / namlich
das er das böß vßrüit/das güt pflanze/frid vnd
einigkeit in der gemein erhalte/vnnnd disen beuelch
hat er von Gott/als er ein ober ist/vñ ein gemein
person / dem ist er schuldig nachzefommen / wie
ouch ein Apostel vnnnd ein prediger schuldig ist si-
nem beuelch nachzegan/vnnnd ein yeder in sinem
ampt vnd stand nach Gotts wort zehandlen. Also
ist die person vnnnd das ampt wol zū vnderschey-
den vñ zū sünderen/dañ ein yetlicher/so vil es sin
person vñ sin eygen sach betrifft/soll er sich selbs
nit rechen:so ferz es aber sin ampt belangt/damit
er der liebe statt geb/soll er den güten fromen vor
dem bösen schützen vñ schirmen. Also dohar wol
verstandē wirt / wem dz schwert beuolchē sye zū
bruchē/ das er semlichs mit Gott wol thun mag.

Pfyster Meyer.

Siewyl vnd Paulus die/so das göttlich wort
gfasst/

gfasst/nit von dem ampt der oberkeit hat gheis-
sen abstan/vñ aber ein trüwer lerer gsin/vñ alles
übel vßgerüet hat / deßgliche so ouch der Heyd/
ampts halb/so ers recht brucht/von Gott nit ge-
strafft wirt/vil weniger wirdt der ein Christ ist/
ampts halb/ von Gott gstrafft werden / so weyß
ich ouch nit wyter damit zü kōmen/vñnd so einer
also in der oberkeit berüfft wurde zum glouben/
den wil ich ouch darinn lan bstan/vñd gloub/das
er darinn wol ein Christ blyben vñnd sin möge.
Der Bañ hat mich aber gevsachet/das ich be-
schwärde gsin/vñnd gmeint hab/ein Christ mög
nit ein obrer sin.

Von ghorfami der

Oberkeyt.

Predicanten.

So du nun mit vns bekenst/das ein oberkeit
mög Christen sin/vñnd das schwert bruchen zur
straaff deß bösen / vñd schirm deß güten/ Wie soll
man derselbigen ghorfam sin?

Pfyster Meyer.

Ich beken wol ghorfami der oberkeit/dz man
jr in allem gehorsamen soll/dz nit wider Gott ist.

Pred. canten.

Paulus lert vns/dasß wir der oberkeit ghorfame
sin söllend/nit allein vmb der forcht willen / sons
der ouch vmb der gwüßne willen.

Pfyster Meyer.

Vmb der gwüßni willen ghorfam sin/das ist

ein semliche gewißni/die wir han söllend/dz wir
selbs willig dem güte nachkomen/nit vß zwang/
sonder vß fryer liebi.

Predicanten.

Paulus scheydet die ghorfami der Christen/
vnnnd der Heyden/dann der Heyd ist gehorsam
von der forcht wegē/den Christen wyßt aber sin
gwüßni zü ghorfamen/das er dem oberer von si-
nes ampts wegen ghorfam ist/so semlichs ampt
beston sol/dann er weißt vnd betrachtet/das die
oberkeit zum schutz dem fromen/vnnnd straff dem
boßhaffligen von Gott yngsetzt ist.

Pfyster Meyer.

Siewyl ich mit der gschrifft so wyt gebracht/
das ich zügeben hab/das ein Christ ein obrer sin
mag/so kan ich ouch nit darwider/das man jren
gho:fami leystē söll/was sy heißt/das nit wider
Gott/vnd mit der schnür der liebi mag verant-
wortet werden.

Von der Narung der dieneren deß worts Gottes.

Predicanten.

Siewyl von dir Pfyster Meyer ouch geredt
wirt/du wysist die lüt ab/das sy vnser predig nit
hören söllind / wöltind wir gern wüssen/ob im
also/vnd warumb du söllichs thügist?

Pfyster Meyer.

Das

Das ist min meinung/darum̄ man ūch nit ſölle
hören/darum̄ das jr Chriſto nit nachfolgend/der
nit glert/das er nit mit den werckē erſtattet hat.
Jr hand ūwer narung vß dem wüchergüt/ert-
lich fürend ein vnrein leben/das einem prediger
des gottsworts nit zimpt.

Predicanten.

Woran thünd ſy aber ſo vnrecht/vnd in was
übel ſind ſy doch ſo grob verhaßt / das man ſy
nit hören ſolt/od̄ woher nimpstu diſe ergernuß?

Pfyster Meyer.

Ich hab ergernuß empfangen ab jrer bſol-
dung/die vom wüchergüt kompt/dan̄ ich erkenn
wol/das der dem Euangelio dient /dauon zim-
lich narung mag haben / doch das ſemlichs nit
vom zinß oder wüchergüt komme/dann es iſt ein
vnrechter gwün/vß zinſen gleben/vnnd vß dem
güt/ ſo von götzen kompt / diewyl er ſoll daſſelb
weeren/vnd aber ſelb daruß lept/ſo vermein ich/
man ſöll in nit hören/dann diewyl ers thüt/vnd
nimpt/wie kan ers dann ſtraaffen?

Predicanten.

Das güte vnd hab/iſt für ſich ſelbs/als ein an-
der gſchöpff Gottes güte/aber d̄ mißbruch macht
es böß. Also ouch der pfennig iſt nit zū verwerf-
fen/woher er kompt / oder wie er gwunnen iſt/
darumb ſoll man allein anſehen den bruch/das
er zū enthalt der dienern deß worts wol angefert
werde. Die güter/ſo anfangs an die ſtiftungen
kommen/in den erſten ſtiftungē vß gütem grund

dargewendt sind/das es aber ein zyt dahar miß-
brucht zu erhaltung abgöttery vnd glychßnery/
vnd yetz wider vß dem götzenbruch gehept/vnd
in güten bruch gefert wirt/so ist es nit vnrecht/
vnd kompt auch in die anfenckliche styfftung/es
sye zins/oder zehenden / wie dann das von böde-
men oder sunst geben/vnd dahin gewendt ist.

Pfyster Meyer.

Man findt in keiner gsch:iff / das stifften vnd
Clöster buwē/von Gott geheissen sye. Das aber
zins dahin geben sind/ ist wol beschähen/dan sy
mit irer glychßnery / der mertheyl güts hand an
sich zogen.

Predicanten.

Christus vnnnd die Apostel habend gleert/Wee
dem Euāgelio dienet/der sölle ouch daruon lebē.
Item man sölle den armen güts thün/vnnnd das
die Christen einandern ire not ersetzen söllend/dor-
by aber nit gemeldet/wem/wo/wie/ oder wenn/
deßhalb das alles fry der lieb:heymgesetzt / vnd
beuolchen/darumb ouch semlichs ye nach vermd-
gen vnnnd gelegenheit der zyt/zü verwalten stat.
Vnnnd als aber in der anfencklichen kilchen die
Christen zusamē trügend/daruß den dienern des
worts/vnnnd den armen gabend/hand sy by dem
mittel nit mögen blybē/sonder lüt darüber müß-
sen ordnen/damit semlichs güte recht vßgetheylt
wurde/wie das die Acta Apostolorum inhaltend/
dieselben hand ouch nit allen kōnden recht thün/
zudem das sich vil vmb deß gnieß willen ynließ-
send/

send / vnnnd sich für Apostel vßgabend / damit sy
ouch deß güts ein theyl empfahē möchtind / das
eumb sy selbs by anfang semlichen bruch abge
thon / vnd als die kilch Gottes zügenommen hatt /
ein ander mittel sy an die hand genömen hat / vnd
sich dahin gelassen / wie Gott im alten Testament
gelert hat. Darumb ist ouch der kilchen nit abge
schlagen / ordnungen zemachen / damit nach der
liebi / so vil das ye möglich / gelebt möge werden /
dann ye der bruch vnd louff / vnd vile der Christen
lert sy mittel an die hand zenemen / vnd so by den
alten wydmen erlernet vnnnd erfunden wirt / das
der zins vñ zehenden darumb an die ort anfangs
bewendt wordē sye / dz man schülen / vorstender /
arm wytwen daruß enthalten solle / daher der
mertheyl güter / der alten stiftung frywillig ge
ben sind / deßhalb nit alle pfarer vom gözē opfer
glebend / sonder vß den gütern der erste stiftung
die aber der missbruch böß gmacht hat.

Pfyster Meyer.

Ich bekenn wol / das die Christen ordnungen
mögend machen / dann es nit allenthalben glych
mag sin / nit destminder aber söllend die Predi
canten vß rechtuertigem güte enthalten werden /
das dann geschäch / so dem trengren nachglassen
wurde / vñ das ander zu enthaltüg des predicans
ten ankert / vnd was darnach übrig / das semliche
den armen geteylt wurde. So aber der predicans
vom wücher glebt / wirt er ouch den nit fänden
schelten noch straffen.

Predicanten.

Einer der ein güte vnd boden hat/den nützet/
vnd ein zynß daruon gibt/der kan sich nit bes
schwärllich beklagen/dan so er vom bodē gieng/
so wurde er deß zynß billich loß gelan/diewyl vñ
er den aber vnder handen hat/vnd meer daruon
nützet / dann er zynß gibt/so kan er sich ouch nit
beklagen. In summa vff die kurtzi. Der vorständer
der gemeind mag vom sold der gemeind leben:
Aber der Clöstern halb / was wider Gott / ist by
vns in der krafft Gottes worts abgethan/vnd
was deß güts überblyben / vnangsehen wie die
güter dahin sygind kommen/(dan der bruch/wie
vor gsagt/ macht sy güte oder böß) lert vns das
gotts wort bruchen. Was nun also blyben ist/vnd
nit wider die regel der liebi ist/mag man wol ne
men/dann was in der liebi bstan mag/das mag
man ouch wol nemen vnd geben. Das du dich
Pfyter Meyer aber von der leer der Predican
ten geuffert hast/allein von jrens ergerlichen les
bens willen/so merck was Christus sagt Matthei
am xxiiij. Vff Moses stül habend sich gesetzt die
geschriffglerten vnd Phariseer/alles nun was
sy sich sagend/das jr halten sollend/das haltend/
vnd thünds/aber nach jren wercken thünd nit.
Hie heißt Christus niemand von der leer Got
tes / vmb jres bösen lebens wegen daussen bly
ben/sonder wie der text luter. Diewyl nun aber
ouch sünd ist/so einer begert / vñ Pfyter Meyer
die Predicanten wölte schühen vonn. deß zynß
güts wegen / so müste er sy ouch von der begird

wegen schüchen / die auch sünd ist / vnnnd aber
niemand darwider sin mag/ darumb der vnbi-
lich geschücht wirt/der keins groben lasters/das
an im vßgebrochen/bezüget ist. Paulus lert zun
Philipensern/das ettlich vmb deß buchs willen/
ettlich vmb deß hassz willen predigend/es gelte
im aber glych/das nun Christus vnd die warheit
geprediget werd. Sohar wol erhalten wirt/das
die nit darumb züschüchen/die schon der leer nit
gemäß lebrind/wiewol man die auch nit dulden
soll/also ist auch Petrus in einer gfarlichē irthum
gsin/zun Gal.ij. verwarff in doch dieselbig ir-
thum nit vom Apostelampt. Also auch der säler
an d leer/mag erwan bym Apostelampt bstan.

Pfyster Meyer.

Ich red grad wie vor vom zynß/ wiewol ich
noch nit im hertzen versichert bin/das es mit der
liebi beston mög/vom gelychnen gelt/zynß oder
gnieß nemen/so weiß ich doch nit darwid/sunst
wäre ich in dem artickel zefriden. Ich wil aber
Gott vmb gnad anruffen.

Vom Thouff.

Predicanten.

So wir nun alle artickel/die Pfyster Meyer
wider vns gehept/mit flyß nach der lenge erwes-
gen/vnnnd funden/das vnser verstand mit vnser
regel deß gloubens vn der liebe wol bstan mag/
wie Pfyster Meyer durch die gschriffte erzwno

gen selbs bekennt hat. So ist noch vorhanden der
artickele des Thouffs / inn welchem er ouch bes
schreyt / das er darinn mit vns nit eins sye / vnnd
anders glert / wed die gschrifft vermag / den wels
lend wir nun für vns nemen / vnd im zeygen / das
sin verstand des thouffs halb / by vnser regel nit
bston mag / den weder gloub noch liebi erlyden
mögend / vnd zum ersten wöllest vns anzeygen /
wie vil du Sacrament bekennist ?

Pfyster Meyer.

Ich bekenn zwey Sacrament / namlich den
Thouff / vnd das Brot brechen.

Predicanten.

Was haltestu aber vom Thouff ?

Pfyster Meyer.

Min meinung vñ leer ist dise / das der thouff
sol gereycht werden zur büß / wie dann Joannes
der Tduffer gelert vnd gethoufft hat / *Marth. iij.*
Joan. j. vnd mit dem verschnittnen ist gehandelt
worden / in der Apostlen gschicht am *viiij. capitel* /
wie man ouch findt *Act. xix.* by den zwölff man
nen / die Paulus thoufft / vnnd spricht also / so ein
mensch erkennt / das er ein sündler sye / vnnd nit
sölle / so soll er von bösem abstan / vnd ein büßfers
tig leben an sich nemen / vnnd so das gschicht / so
wil Gott im siner übelthat nit mer gedencken /
des wir nun den thouff für ein zeyche hand / dan
wie das wasser vns reiniget vnnd wäschet / also
hat vnns das blut Jesu Christi ouch gereiniget /
das vns die sünd fürer nit schadend / so wir vns
dem

dem Herzen ergebēd/vñ der sünd widerstandēd.

Predicanten.

Dise dine antwort verstond wir wol/die frag lyt aber daran/Ob die leer/verstand vñ besserūg vor dem thouff gan sölle/vnd ob man junge kind ouch thouffen mög?

Pfyster Meyer.

Sa hab ich ein mangel/vñ so ich dessz gschrifft funde/vñ dz ergründt wäre/so wölt ich ja sagen.

Predicanten.

So begerend wir zū wüssen/warumb man die kind beschnitten hab/damit wir vff vnseri regel komind/dann magz die eer Gottes vnd sin wort erlyden/dz man den kinden den thouff abschlach/so mag der kind thouff by dem gloubē nit bstan/vnd also die richtschnür vnserer regel nit erlyden/wirt aber die Eer Gottes vnnd sin wort den kinderthouff forderen/so werdend wir nit allein von der liebi wegen/sond ouch vil mer von deß gloubens wegen/den kinderthouff eroberet han/das werdēd wir nun in der gschrifft findē/darum so wöllest antwort gen vff vnser frag / warumb man die kinder bschnitten hab?

Pfyster Meyer.

Damit Abraham vnnd sine nachkommen der verheissung Gottes gewuß wärend / vnnd das Gott jr Gott sye / vnnd sy zū einem besondern volck vffgenomen hētt.

Predicanten.

Siewyl nun alles blutvergiessen im alten Tee

£

stament in Christo still gestekt/so muß man ouch
nit mer beschnyden/daher nun ouch an statt der
selbigen/Gott ein ander zeychen/das on blüters
giessung geschäc/yngesetzt hat/als namlich den
Thouff. Also ist ouch der Thouff nit anders/dan
ein sündering vnnnd ein zühin thün zu dem volck
Gottes/wie vns Paulus zun Corinthern leert/
das wir all in einem lyb gethoufft syend/vnd vns
der einem houpt. Nun sag vns Psyster Meyer/
welchen man in die gmeyn Gottes vffnemē soll?

Psyster Meyer.

Den/so sin leben endern wil/vñ sich besserung
zethün bekenit / dann die Apostel den Thouff an
den gwachßnen angefangen/vnd so es recht gsin
wäre/das man die kind solt thouffen / so hettend
sy semlichs ouch geheysen / wie Gott mit Abra-
ham geredt hat/dz er die kind solte beschnyde lan.

Predicanten.

Es findt sich bym Paulo/das er den Thouff
vnd beschnydung abwechsellet. j. Cor. x. Da gyt
er den Thouff den Juden: vnd zun Coloss. ij. gyt
er die beschnydung den Christen. So volgt ye
daruß/das die zwey zeychen glych sind/vnd wie
die beschnydung im alten Testament gebrecht/
also ouch mag der thouff im nürwen Testament
geben werden. Nun wirt durch Psyster Meyer
nimer bybracht/das vnwüßheit einen des zey-
chens vngenoss mache/darumb semlich ouch des
nen wol mag geben werden/die es nit verstand/
als den finden/dan ye diewyl der Thouff an statt
der

der beschnydung yngesetz / so muß er auch vff
glychen stadt/ person / vnd wesen reychen/diewyl
vnd Paulus spricht/dz einerley Thouff sye/so vil
der person vñ bruch halb. Die Apostel sind auch
gwon gsin/einsalriglich den beuelch zubeschry-
ben/vnnd nit den bruch/wie wir hernach sagen
werdend vß Mattheo am iij. Darumb Pfyster
Meyer vß ordnung der worten nit vil erhalten
wirt:es ist nit die art der gschrifft/wyb/oder kind
anzuziehen / dann dieselben in dem namen des
mañs begriffen vnnd erzelt werdend. Also auch
vß der krafft/gibt man den wybern das brot des
Herzen/welches an statt des Osterlembli des
alten Testamēts yngesetz/an welchem ort Gott
der Vatter das Osterlembli heißt essen/vñ doch
der wyber nit gedenckt/das aber gantze haßge-
sind geessen hand. So Gott Abraham vnnd sine
nachkommen in ein sondere gemeind abgesündert
hat/da was Abraham xcix. jar alt/vnnd deshalb
im auch von nöten gsin/das er Abraham seyte/
zü welcher zyt er bschnydē sölt. So nun der Thouff
an statt der beschnydung yngesetz / ist nit von
nöten/das Gott eincherley zyt oder tag nampte.
Diewyl nun Christus kein zyt genempt hat/das
man weder alt noch junge soll thouffen/so wirt
es nun dir züstan/anzezeygen / warumb du den
thouff den kinden abschlahen/vñ allein den alten
geben wöllist?

Pfyster Meyer.

Darumb/das Christus spricht/Leerend vnnd

£ ij

thouffend/die kind aber sind der leer nit vechig/
vnd alle pflanzung/die min himelscher vatter/
spricht Christus / nit gepflantzet hat/sol vsgerü-
tet werden. Was also in der geschriff mit vsge-
truckten worten nit geschriben stat/das hat auch
der hymelsch vatter nit pflantzt.

Predicanten.

Also müstend auch die wyber nit zü des Hero-
rentisch gan/dañ ye/wie obgesagt/Gott das nit
geheissen/ desglichen fönde man kein Ze bezü-
chen/dann wir kein vsgetruckt wort hand/was
ein Ze mache/vnd verbind/welches aber der liebe
beuolden/durch die alle ding verricht werdend.
Siwyl du aber meinst/das niemand gethoufft
sölle werden/dann der büß gethon hab/vnd vor
gelert sye/so bewyse das.

Pfyster Meyer.

Joannes/do der thoufft/sprach er / würckend
büß/vñ eruoderet von denen/so er thouffen wolt/
besserung irs lebens. Desgliche stadt es Marci
am letzten: Wer do gloubt vnd thoufft wirt/der
wirt sällig/da gat gloub vnd besserung vor dem
Thouff.

Predicanten.

Yetz komend wir vff die gsch:iff/die wir oben
angezogen/vnd ist das derselbigen grund/wahr
ist es/das Gott vorgesagt durch den Propheten
Malachiam/sinem sun einen vorläuffer zesendē/
den wir Joannem den Thöuffer syn verstond/
Matth. xi. Der werde den handel mit predigen/
vnd

vnd sunderem Sacrament anheben/wie nun er geprediget/vnd den handel gefürt/hat der Euangelist Mattheus am iij. verschriben/namlich das er gelert vertröst sin vff einen Gott/vñ Christum den gegenwürtigen erlöser/fromklich leben/vnd sich bessern/vñ wirt aber darumb da nit die ordnung deß Thouffs beschriben/Als namlich/wie/wân/mit was worten/vñ in was alter man touffen solle:zü dem so mag ouch mit disen worten/Pfyster Meyers verstand nit behalten werden/diewyl doch heyter stat/Er habe zur büß gethoufft/das sich ye nit vff verganges oder gegenwürtigs / sunder vff künfftigs reycht. Deshalb die frag dariñ lyt/ob die bedüttnus deß Thouffs/hindersich od fürsich sehe/ verganges/künfftigs/oder gegenwürtigs / dan so der Thouff verganges oder gegenwürtigs bedüt/so mag man kind nit touffen:so er aber künfftigs bedüt/mag man kind wol thouffen.

Pfyster Meyer.

Der Thouff bedüt das gegenwürtig/so einen bekennet/das er Christo dienen wölle/sich endern vnd den sünden absterben/vff die erkantnus solt man in dann thouffen.

Predicanten.

Wie wir erst anzeygt/das der Thouff/nit vff vergangen/sunder künfftigs reycht/wöllend wie wyter mit exemplen bewysen/als namlich so da er gethoufft/die Christi kein bekantnus gehet vnd die erst hernach zü im geschickte/Ince am vii

vnd also sy vff fünffteige bekantnus zeychnet/
dann Christus erst mit ihur vnd heyligem geist
thouffet / das ist / gleubig macht / durch welchen
ware erkantnus Gottes / die da ist das ewig leben /
erlanget / daruß volget / das die / so gethoufft / in die
leer / erkantnus Gottes / vñ in die zal der gleubis
gen bezeychnet söllend werden / als in das fünff
tig. Also ouch Marci am ersten stadt / Johannes
thoufft in der wüste / vnd prediget den Thouff der
büß / zü vergebung der sünd.

Dvster Meyer.

Das nimm Testament ist volkommer dan dz alt/
darum̄ vermein ich / man sölle die kind nit touf
fen / ee vnd sy bekantnus der büß vnd besserung
ires lebens haben mögend / alsdann so sy beken
nend / soll man sy thouffen / vnd in das vnshula
dig leben vffnemen.

Predicanten.

Die ordnung der worten. / da Gott den jün
geren den beuelch geben / vnd damit den Thouff
yn gesetzt / mag nit erzwingen / das die leer sölle
dem Thouff vorgan.

Pfster Meyer.

In geschichten der Apostlen / wo die jünger ges
thoufft / do hand sy vorhin / recht vnd büß zü thun
eruordert / vnd darnach gethoufft.

Predicanten.

Alle glyßnery hatte da statt / so der allein ges
thoufft sölte werden / der do sprechen möchte / er
wölle sich besseren. Nun die wyl dem yetzgereds
ten

den grund vñnd meinung nit glauben wilt gen-
der aber warhafftig ist/ warumb schlüß die kind
der von dem zeychen der gemeind Gottes/so aber
sy in der gemeind vñnd wal Gottes stand/als du
nit leugnen kanst: dann ye Christus die kind zu
im gezogen / inen wolgsprochen vñ geredt/ Las-
send die kind zu mir kōmen/ dan sollicher istz rych
der hymlen. Warumb wil man inen dann nit das
zeychen lassen zukōmen/so doch darumb kein ver-
pott ist: vñnd aber das allein vor Gott vnrecht
vñnd ein grūwel/das er verpotten hatt. Vñnd so
nun das rych der hymlen/ am anzognen ort die
kilch Gottes heißt/wie dann das Pfyster Meyer
ouch bekēnt hat/so mag man ye den kindern das
zeychen des rychs/das ist/der kilchen Gottes/als
das minder/nit abschlahen.

Pfyster Meyer.

Das truckt mich/diewyl Christus den kinden
das größer gen hat/das er nit gesprochen / das
man inen das minder ouch gen solle/darumb kan
ich den Thouff den kindern noch nit zusprechen.

Predicanten.

Wenns Christus gewölt hette / das man die
kind nit solte thouffen / so hette er ouch darumb
ein verpott geben/dann die überträttung allein
im gsatz vñnd verpott erkent wirt/wie vor gseyt.
So wir aber kein verpott hand/so ist es ouch nit
vnrecht / sonder soll vñnd müß also sin/diewyl der
Thouff an der beschnydūg statt yngesetzt/zū dem
das ouch die Apostel ganze hußgind gethouffe/

in welchem alts vnd junges gezeit wirt.

Pfyster Meyer.

Es sind etlich gsin/da kein kind/ouch etlich/da kind inn sind.

Predicanten.

Daruff volgt nit/das du das luter damit verfinstern wöllst/vnd darumb die kind nit thouff sollind werden/dan glych wie die kind allenthalben des burgerlichen rechten gnoß/vnd aber des selbigen vnuerständig/ also sind sy ouch der gemeinschafft der heylgen gnoß/diewyl sy ouch in der gemeind Gottes gezeit werdend/ ob sy glych ouch des vnuerständig. Im alten Testament hat Gott dem volck gepotten/ das sy allwegen zu sibenzehen jahren zusamen kamin alles volck junges vnd alts/vnd das gsatz Gottes soltind hören/do hat Gott die kind weder vö der gemeind noch von der leer vßgeschlossen/ wiewol sy der leer noch nit behig warend/darumb man billich den kindern das zeychen nit absprechen kan/ diewyl kein verpott darumb stat.

Pfyster Meyer.

Ich schlüß die kind nit von der gemeind Gottes.

Predicanten.

So sind sy ouch billich/des zeychens der gemeind genöß/ dann der Thouff vns allein geben ist/zü einem zeychen der gemeinschafft Gottes: ouch ist es nutzlicher/dz kind gethouff werdind/dann soman die nit thouffte/damit semliche kind in zucht vffgezogen werdind/als das im Thouff verspro

versprochen wirt / dann wir dörfent dannoch
glück vnd gut wetter / das es wol grate.

Pfyster Meyer.

Das ist die gröst vrsach mines fürnemens / die
kinder nit zethouffen / darumb das man sy nach
de Thouff nit zucht leert / ja so bald die gethoufft
werdend / so meynt menglicher / es sye denn ein
Christ / vnangesehē wie es in Christenlicher zucht
vfferzogē / vñ zū ein gottseligē leben kōmen mög.

Predicanten.

Das ist vns ouch leyd / wir schryend ouch täg-
lich darwider. Siewyl vnnd aber die gepott / als
ouch die zehen gepott nit gehalten werdend / so
kan man darumb die warheit nit hinder sich stel-
len / noch die verschwygen / dan vns die vsserliche
ding fry gelan / vnd an kein zyt vnnd wyl gepun-
den sind.

Pfyster Meyer.

Wenn die not das höüsch / so laß ich das zū /
vnd bekenn wol / das man kinder möge thouffen.

Predicanten.

So ich in die zal der vßerweltē / mit vsserlichem
zeychen kōm / so wyßt mich nit nun allein die Ker
Gottes / sunder ouch die regel der liebi / min kind
in semliche gmeind zū verzeychnen : dann ye der
Thouff ein vffnemen ist in die gmeind Gottes :
sunst wurde ich dem kind vntrüw sin / als ob ich
ein bessers welte erlangen / dann ich dem kind
gönte / vnd laß also min kind thouffen / zur besse-
rung / thū min theyl / so vil an mir stat : demnach

aber Gott die besserung verwalten/darumb wie
bekennend/das es not sye/welcher in der gemeind
Gottes wölle sin/mit dem Thouff daryn vffges
nomēn/vnd bezeychnet werde/so ferz es möglich
zethūn. Yetz wöllend wir ouch den spruch an die
hand nemen/Acto. xix. der durch dich anfangs
angezogen ist / da werdend dieselbigen zwölff/
gläubig vnnnd jünger genempt/die aber noch nit
vom heyligen geyst hattend gehört/dahar ye ges
lernet wirt / das der Thouff vff künfftige ding
reycht / wi; vor dick anzeygt/dann sy sprachend/
das sy in Johansen Thouff gethoufft werend.

Pfyster Meyer.

Semlichs hat mich geirrt/vñ daruß gemeint/
man möge wol widerthouffen / darumb wil ich
gern erfahren/wie das zehalten sye.

Predicanten.

Es wirt alles an dem wörtlin thouffen hie ligen:
dann dieselben jünger wärend nit mit was
ser thoufft/do sy seytend / das sy in dem Thouff
Joannis thoufft wärend /dann thouffen wirt
etwa für wasserthouff/etwa für leer/vnnnd etwa
für allen handel Johannis/leer vnnnd Thouff ge
nomēn:also ouch das wörtli rych der himlen/nit
ein einige bedürnus hat. Hierumb an disem ort
Actū xix. spricht Paulus: Warin sind jr thoufft?
das ist/was hand jr dan glert? So sprachend sy:
In Johansen Thouff/dz ist/wir hand den berichte
den Johannes gelert hat. Wie wirt thouffen für
leren genommen/vnd das söllliche vßlegung bes
stand/

stand/wirt hernach mit geschriff bewärt.

Pfyster Meyer.

Die Apostel hettend dieselben nit für jünger.
gehept/so sy sich nit der besserung bekennt hettend/
das aber die kind nit könnend.

Predicanten.

Man hat den handel mit den erwachsenen also
so müssen anfaben/dann ye die menschen vorhin
habend müssen wissen / warzü der Thouff inen
diene/vnnd not wäre/da ouch von nöten/die leer
vorgangen/vntz die alten bericht empfangen ha-
bend. Vnd diewyl also der Thouff mit den alten
angefangē/mag darumb hie doch nit bewären/
wie wyt sich der Thouff strecke: vnd diewyl man
also die kind des Thouffs nit theylhafftig machen
wolte/ so sy aber des handels selbs theylhafftig
sind / so wäre das wol den Thouff beschnitten/
vnd fürst vns also mit der ynred/vff das vor dick
verantwortt ist.

Pfyster Meyer.

Ich weyß wol/das thouffen an etlichen orten
für leeren/oder lyden genömen wirt/mir mangles
aber noch/das der kinderthouff sin muß.

Predicanten.

Von der that wegē/das diß mit den alten an-
gefangen ist/wirt hie nit bewären/das der kind-
erthouff darumb nit sin solle/sunst als Thimos-
theus gethoufft vnd beschnitten ist worden/müs-
sten wir ouch gethoufft vnd beschnitten werden.

Das hat mich allwegen beschwärdt / das ein
hinlässigkeit von dem kinderthouff komme / vnd
das niemand sine kinder zucht leer / vnd so ich in
der gschrift gfundē hab / das leeren dem Thouff
vor gadt / vnd der Thouff nachin / hab ich das für
recht gen.

Predicanten.

Das by etlichen Euangelisten das wörtli leeren / by etlichen aber thouffen vor gat / das macht weder dir noch vns / deß kinderthouffs halb / kein regel. Das aber thouffen leeren heuß / wirt gfun den Matth. xx. So Christus spricht / Wohar ist der Thouff Joannis? das ist die leer Joannis / dann das wasser nit vß dem himel kompt. Item thouffen für lyden / Matth. xxi Item Joannis iij. Christus hat thoufft / dz ist / er hat gleret: vñ Joannis am iij. Christus hat nit thoufft / dz ist / nit mit wasser beschüttet: also wirt es ouch Act. am xix. genömen / sy sygind in den Thouff Joannis vffe erzogen / das ist / siner leer bericht / vnd ob es glych für wasserthouffen genömen wurde / so hast du dennoch nit bybracht / das also gethoufft werden / vns ein regel solle machen.

Pfyster Meyer.

Das truckt mich / das die alten sich nit besseren vnd nit nach der leer Gottes lebend / dan die thatt vnderscheydet die / darumb ich sy nit weder für gleubige noch für Christen geben kan.

Predicanten.

Das

Das sich niemand od wenig besserend/ist allen
fromen vñ gleubigē leyd/man kan sy aber darūm
nit vßschliessen: Paulus j. Cor. x. verglycht das
volck Gottes im alten Testamēt/gegē dem volck
Gottes deß nūwen/vnnd warnet alle Christen/
daß sy sich der zeychen nit vertröstind/die sy vns
der einandern gmein hand/dannes es ouch also im
alten Testament gsin/vnd aber vil von Gott ers
schlagen sind/in denen Gott kein gfallen ghept.
Also wurdend ouch die in der zal deß volcks Got
tes genempt/vnnd hiessends volck Gottes / die
aber böß warend/dañ sy all vnder der wolcken/
durch das Rotmeer gangen/vnnd in Mosen ge
thoufft/das ist/gelert worden. So nun also das
gloch stat/so muß ye ouch der bruch glych sin/deß
Thouffs vñ der beschnydung halb/welche beyde
zeychen/ein ynshryben vnnd vffnemen in die ge
meynd Gottes/aber in vilen hat Gott kein gfal
len. Also wirt es onch in vns Christen sin/dann
was im alten Testament geschehen/ist vns alles
zü einer figur gschehen/wir vns ouch mer züuers
goumenhend/dañ vor ye/diewyl alle laster / vnd
das end der welt vff vnns leinet/dahar ouch alle
laster yetz zum höchsten sind. Vnd diewyl es by
den Apostlen nie in span kōmen ist/das man kind
nit solte thouffen/dañ sy wol gwüßt/diewyl der
Thouff an statt der beschnydung yngesetz/das
man kind solte thouffen / so soll es noch also sin
vnd gebrecht/vnnd die kind gethoufft werden:
vnd wie am bemelten ort vergriffen/das die zey
chen denen ouch geben wurdē/die nit recht lepe

tend. Also geschicht noch hüt zum tag/das die bösen mit den guten die zeychen nemend/bruchend/ vnd ouch in der zal der gmeind Gottes genempt werdend/vnd wir sy blyben müssen lan/wie dan wir von Christo selbs gelert/ als von dem netz/ darinn gut vnd böß visch gfangen werdend/die aber Gott sünderet/ vnnnd die bösen hinwirfft. Also ouch vom samem: Gott hat die werffschuffen/der wirt vßwerffen was vnsubers ist/vnns stat zu/ daß wir das thügind/dz wir vermögē/vñ die schwachen dulden. Der husuatter schickt vß sine diener/das die ryck vnd arm/frum vnnnd lam/vñ wen sy findend/an dz hochzyt beruffend/ da ouch die diener niemand gheysen vßhin gan/ sonder der husuatter allein hieß vßhin gan den/ der nit das hochzytlich fleyd an hett. Paulus hat den Bañ/in offentlichen hohen vnd verletzlichen lasterē gebrucht. Siewyl aber einer nit verletzlich der gmeynd Gottes lebt/so söllend wir den nach der leer Christi dulden.

Psyster Meyer.

Nun findt man doch/dz der kinderthouff sich erst vnder den Bapsten yngerissen hat.

Predicanten.

Seß gstand wir nit/das der kinderthouff von den Bapsten sye yngesetzt / sunder ee vnnnd kein Bapst gewesen/der kinderthouff gsin/dann wir by den duralten leereren/als bym Origene/Cipriano/Lacrantio/Augustino/den kinderthouff gehandelt findend/das ouch nach der lenge in diesem

fem gespräch angezeygt / vß welchem allem vers
merckt wirt / das der kinderthouff alt / vñnd nit
vom Bapst yngesetzt / aber wol mit vil zusatz bes
sudlet gsin / es sye mit spürwen / bschweeren vñd
zouberen / das aber wir in vnsern filchen nit brus
chend / vñ so die kind nit das zeychē sölten tragen /
so müste man sy ouch nit in die gmeind Gottes
zellen / oder ye ein verpott darüñ haben / wie dick
gseyt: es möcht ouch kein vatter / oh nachtheyl der
eer Gottes vñd liebe / sin kind vngethoufft lassen
liggen / diewyl vñnd doch der Thouff nit anders
ist / dan ein vffnehmen zü der büß in die zal der
gleubige. Zü dem / diewyl man die kind nit solte
thouffen / darüñ dz kein vstruckt wort ist / wur
de man ouch die wyber nit fñnden dem nachtmal
zulassen / wie vor ouch gseyt ist.

Pfyster Meyer.

Vff dise zwen artickel / von zinsen vñnd dem
kinderthouff / deren ich noch nit gnüg versicheret /
wiewol ich durch gwaltige gschafft überwun
den bin / begär ich ein bedacht vff morn / dar zwis
schen wil ich Gott vmb gnad anruffen / ich bitt
ouch üch alle / wöllend mir helffen bitten / guter
hoffnung mir werd geholffen / das ich in erkant
nus der warheit kommen mög / vñnd in minem
herzen versicheret werd.

Der dritt tag.

Vff den dritten tag was man nun von Psye

ster Meyer antwort warten / vom zynß vnnd
Thouff / die hat er ouch geben/wie er den vor-
drigen tag versprochen het.

Pfyster Meyer.

Der zynsen halb / sag ich noch wie vor. Ich
weyß mit gschriff nit wyther zekömen/vnnd kan
doch in miner gewißni noch nit versichert werde/
das man vom gelt soll gnieß nemen/darumb be-
ger ich/man wöll mich in dem artickel wyther nit
tryben/damit ich nit wider min Consciencz red.
Ich wil wyter Gott vñ gnad anruffen vmb deß
artickels halb/deß ich nit kan versicheret werden/
mit leeren still stan/aller ggestalt/wie vor geredt ist.

Predicanten.

Vff dise antwort ist etwas vordrigger reden
von den Predicanten wider geäßeret wordē/vnd
namlich wie wir nit die syend / die den wücher
verthädigen/oder eincherley verglimpffen wöl-
lend / es sye wenig oder vil/dañ deß hettend wir
kein grund in der gschriff/wir wysends aber als
les zur liebi/vñ wöltend vngern die all verdam-
men/die vom gelt oder güteren gnieß ynnemend/
so doch sölcher gnieß ouch mit der liebi zun zytē
bstan mag/darumb soll aber niemand die thür vñ
gethan werden/nach sinem mürtwillen zewücher-
ren/lüg ein yeder für sich/vñ namlich ein oberkeit/
das wyther nit gehandelt werd/weder die liebe
erlyden mög/vnnd wie oben geredt/köndend wir
Pfyster Meyer der zynsen halb nit wyter tringē.

Pfyster Meyer.

Deß

Deß kinderthouffs halb gib ich antwort / wie
ich dan vor mee gesprochen / weßz ich bericht mit
der gsch:iff / vnd nit darwider kan / darwider wil
ich ouch nit sin / vnd mich lassen berichten / diewyl
ich nun das nit wyter bringen mag / das man den
wyberen ouch das brot des Herren vstheylt / vñ
darüber kein vßrückt wort ist / vnd ich aber sunst
wol wissen mag / das inen vßzetheylen recht ist :
zü dem tringt mich ouch das Paulus gehandelt /
als namlich den Timotheum beschnitten / der on
zwyfel gerhöufft was / ouch sich lassen bschären /
wie das in geschichten der Apostlen geoffenbart
wirt / welches aber ein ansehen hat / das Paulus
wider Gott gethan hette / vff welches / diewyl ich
wider angezogne sprüch vnd gschriff / damit wi-
der mich gehandelt / nit bybringen / vnnd ich ouch
kein gschriff wyter weyß ynzesüre / die da grund
vff jr trag / daß der kinderthouff nit sin solle / so
bin ich also bericht / vnnd beken / das ich vff den
grund gang des alten Testaments / da die junge
kind sind beschnitten worden / vnd laß es ouch zü /
das man junge kind solle vnnd müsse thouffen /
deß ich aber bißhar nie verstendig bin gsin. Ich
bezüg aber Gott / was ich gehandelt / hab ich im
besten vnd vß gutem yfer gethan / vnd hab ouch
nit bessers gwüßt / dann Gott ist der richter / der
alle hertzen kennt. Diewyl aber ich yetz durch die
gnad Gottes wyter in der warheit bericht / be-
kenn ich mich gern mins irrsals / vñ beschem mich
deß nit / mich hette ouch kein zwang noch drang
dahin mögen bringen / wo mit die gwaltig ges-

Schrifft nit also begegnet wer. Nun aber ist es billich/vnd soll sin/diewyl ich ein mensch bin/vnnd irren mag/das ich der warhafften geschrifft/die nit fälen mag/start geb/dann nach deren hab ich allweg geysert vnd begert/das ich jr ein rechten grund wüßt/die hoff ich/sye mir verlangt/darumb ich ouch die bekantnus gern vnd frywillig thün/dann Gott ist mir lieber dan alle welt/aber allein/dz die warheit den pryß hab/vnd billich ist/dz alle menschē lugner gegē jr genempt werdind.

Predicanten.

Pfyster Meyer ist nun mit vns zesyden/vnd wir mit jm in allen articlen/darumb er anzogen ist. Also das wir vnns siner antwort vff diß mal wol benügen land/vnd lobend mit jm Gott den Herrē/der jm sin verstand hat vffgethan/vñ sin gnad rychlich geleytet/das er sin irthum bekent/vnd den rechten verstand der geschrifft hat angenommen/güter hoffnung/wo jnt etwas manglet/der Herz werds jm mit der zyt ouch offenbaren. Wo aber etwas wyter wäre Pf. M. darinn du mit vnser leer nit glychförmig wärist/das soltu offenbaren/damit du vß aller irthum entlediget werdest/dann vns soll arbeyt nit verdriessen.

Pfyster Meyer.

Ich weyß gar nüt mee/dann wie jr mich gehört hand/vnd bekenn/das ich in allen articlen/darinn ich gesteckt/gnügsum bericht empfangen hab/darumb ich Gott vß hertzen lob vnd danck sag/dann ye was ich deß willens/das mich die
gangz

gantz welt nit hetti mögen überredē/ das ich we-
der herzschaft noch Predicanten/weder tod noch
leben hett angesehen/ wo mich nit die gwaltig ge-
schrift überzüget hett/dan̄ das gloubend mir in
der warheit/ich such die Xer Gottes/vñ nit mich
selbs/darumb ich billich die gschrift/vnd heylig
Gottes wort hören/die mich leert/wie ich die Xer
Gottes suchen sol/vnd wil gern also von minem
fürnemen abstan/vnnd Gott die Xer geben/vn-
angesehen schand oder schmach/so mir darüber be-
geggen wirt/dann das weyß ich wol/das Gott
dem Herzen lob vnd Xer/mir aber schand vnnd
schmach/billich gebüren soll. O Gott/wie gern
wölt ich die schand vnnd schmach tragen/das ich
alle die/so durch mich dahin gewyßt wordē/wi-
derumb vff den rechten weg bringen möcht/defß
ich mich ouch mit Gottes hilff beslyssen will/vß
gantzem hertzen/vnd allem minem vermögen.

Predicanten.

Das stadt wol/vñ bist ouch schuldig die gnad/
so dir begegnet ist/inen ouch mitzetheylen: dies
wyl ouch du allein die Xer Gottes suchst/
wirt er dir rychlich bystand
thun.

f ij

Gespräch so Pfy-
ster Meyer mit sinem mit-
gefangnen brüder in öffentlich
zü vnderrichten gehal-
ten hat/etc.

Nach disem allem hatt
Pfyster Meyer begärt / man solle im
zuführen einen brüder/was mit im inn
gefengnuß kommen/ mit dem wolt er selbs hie
öffentlich reden/ob Gott gnad gebe / das er ouch
gewonnen wurd: das ist nun geschehen. Also
sieng Pfyster Meyer mit im an zü reden / vonn
einē articel zum andern/aller gestalt/wie er durch
die predicanten bericht worden/doch in einer fur-
tzen sum/vnd thät also in disem bericht ein heyt-
tere bekannnuß seines gloubens/vnd erklärt sich
inn allen articlen vff dise form.

Pfyster Meyer.

Brüder Heyni/du weißt/wie wir zum dickern
mal mit einandern gespräch gehalten von den sa-
chen des gloubens vnd Christlichen läbens/vnnd
ich dir vß görtlichem yser die gschrift vßgelegt/
wiewol mit vnuerstand/das ich yetz erfahren hab.
Darumb diewyl mit dyn yser ouch bekant/hab
ich

ich mit dir ein mitlyden/vñ wil dir die gründ an-
zeygen/die mir fürgehalten sind/vñ mich mines
irrhumbs bewysen / nit das ich begär / das du
mir volgest/vnd von dinem fürnemmen abstan-
dest/sund dich zu erinneren/ob du etwas gewalts
tigers möchtest herfür bringen/so wolt ich zu dir
stan. Dann das ist kurz myn meinung/die war-
heyt vñnd die Eer Gottes zefuchen/es gange mir
wie Gott wöll. Wo du aber wid dise gründ nit
wirft mögen vffbringen / das du mit mir Gott
die eer gäbist/vnd der warheyt zufallist/onanges-
sehen alles vsserlich ansehen / das dich vonn der
warheyt begärt abzuschrecken.

Zu dem ersten/der Alten Testaments halb / ist
dir wol zu wüssen/wie min meinung ist gestan-
den/namlich das ich ein grossen vnderscheyd ge-
han vnder dem Alten vñnd Nüwen Testament/
hab das Nüw für den nüwen pundt gehalten/
der mit vnns gemachet/sye vil vollkomner dann
der alt mit den Juden gsin / vñnd was mir nit
Christus im Nüwen hatt fürtragen vnd erflärt/
das hab ich vß dem Alten nit angenommen. Nun
bin ich aber des bericht/das ich bekenn/das Alte
vñnd Nüw Testament in glychem wärdt sin sol/
(doch vßgenommen die Ceremonien/) vñnd das
nun ein einiger ewiger pundt Gottes sye mit al-
len vßerwelten/zü allen zyten/der da bestand im
glauben vñnd liebe. Welcher pundt mit Christo
Jesu versiglet/der des recht pfand vñnd pundt
zeichen ist/dardurch die gläubigen in jren herten
versicheret werdend des gnedigen willen Gots

tes / inn welchem pundt ouch Abraham / Isaac /
Jacob / David / vnnnd die lieben vätter gsin / die
ouch durch den glauben vff Christum sind sällig
wordē / die fleyschlichen Juden habend den über-
sehen / vnnnd sind an den vsserlichen Ceremonien
on gloub vnnnd liebe gehangen / die aber soltend
vffgehoben werden / vnd des rechten pundtes dar-
zwischen verfällt / darumb daß das gsatz Gots
tes nit in ire hertzen geschriben was. Das aber
dem also sye / bezüigt das ganz Alt Testament / in
welchem nüt dan glouben vnd liebe geleert wirt /
wie dan ouch im Nüwen bezüigt Christus selbs /
Matth. xxij. da er die zwey höchsten gebott setzt /
das ist / spricht er / das ganz gsatz / vnnnd alle pro-
pheten. So nun gloub vnd liebe ein ganze sün
ist der leer Christi / vnd das Alt Testament ouch
nüt anders leert / weder was by diser regel beston
mag / so volget / dz einem Christen glich als wol
das Alt Testament anzenemmen / als das Nüw.
Das ist nun yetz min meynung / diewyl ich durch
gschrifft dahin trungen bin / welcher ich billich
wychen / vnd Gott die eer geben soll. Weyst aber
du etwas gewaltigers / damit du disen grund
magst umbstossen / das magst du darthün : dann
ich weyß / das du das Alt Testament wol geläsen
hast / vnd mee dann ich.

Heyni.

Es ist war / ich hab das Alt Testament dick
vßgeläsen / vnnnd offt in mir selbs also disen din-
gen nachtrachtet / hab doch nie mögen recht er-
gryffen / so ich aber yetz von dir den verstand vnd
meynung

meynung der gschrifft hör/laß ichs ouch daby bly-
ben: dann ich weyß den grund nit umbzestürzen.

Pfyster Meyer.

Nun ist am Eyd: Den hab ich allweg widero-
fochten/vnnd nie verston können/das ein Christ
ein Eyd schweeren mög. So bin ich aber yetz vn-
derweisen/das Eyd dem gloubē vn liebe gemäß/
im alten Testament vō Gott gebotten/zwytracht
hinzelegen: auch im Vüwē nit verbottē/sunder
von Christo vnd den Apostlen ouch gebrecht / so
es die eer Gottes vnnd des nächsten nutz berürt.
Dann Matth. v. cap. da stadt: Ir söllend gar nit
schweeren/Wirt der Eyd nit verbotten/der umb
fridens willen/vnd zur Eer Gottes soll gebrecht
werden: Sunder allein der täglich mißbruch/zü
schweeren / der wirt von Christo verworffen/vn
den synen verbotten/vnd die jünger werdend ge-
warner vor der Phariseer mißuerstand: dann die-
selben meyntend/ es were gnüg/wenn man nun
kein falschen Eyd schwür / sunst liessend sy alle
lychtfertigkeit zü mit schweeren vn flüchen. Auch
so halt ich/das Ja so vil sye/als ein Eyd vn war-
heyt. Welcher nun Ja seyt/warumb wolt er ouch
nit döffen Gott nennen/ so doch Ja Gott vnnd
die warheyt selber ist: Darum so bekenn ich nun
ouch vstruckenlich / das man Eyd mög schwee-
ren/vnd Gott darzū nennen: dann ich fan mer-
cken/dz ich gfält hab. Ich hab die eer Gottes wöl-
len süchen / aber wider gschrifft. Es ist wol der
recht grund/die eer Gottes süchen vnnd liebe des
nächste: man lüg aber/das nit wider gschrifft sye/

die gschrifft soll der wegwysser vnd richter sin.

Heyni.

Was die gschrifft vernag/da wil ich ouch gern
by blyben.

Pfyster Meyer.

Wir blybē doch by einander/biß ich dich noch.
baß mög vnderrichten. Nun ist's an zynsen/do hat
mich geirrt der spruch. deß Herren in Luca / Je
söllend lychen/vnd nit daruon hoffen: Item das
vns der Herz beuillcht/wir söllind vollkōmen sin/
wie der vatter vollkōmen ist: Item das Paulus
sagt/geben sye seliger dann nemen: Vñ die Pro-
pheten sprechē/der muß sterben/der vff wücher
lycht. So bin ich aber nun bericht/dz die Prophe-
ten nun vom übernutz redend/vnd von deß brü-
ders trengen/vnd nit von einem yeden nutz/den
einer empfaht / dann wo nutz ynnēmen vnrecht
wäre/mußt man ouch nit handtwerck trybē lan/
darzū werdend. keiner Christenlichen oberkeyten
Mandaten den wücher verthädigen / sond dem
gyt fürkōmen/vnd dem vnverschampren wücher/
das er nit wyter ynryß/weeren. Desglychen das
vns Christus vff die höchst vollkōmenheit wyse
in disem spruch: Je söllend nit hoffen/vnnd der-
glychen/welche wir aber nit werdend ergryffen/
darum wir zur liebe louffen/vnnd lügen / das
wir dod dieselbe schnür nit überschrytind / das
wirt aber einer oberkeit gebüren zū verhüten/das
wir nit daru er farind/do bin ich aber bstanden/
ob sich die liebe wyt erstreck/das ouch der ent-
lechnet

lechnet hat/ dem der im gelychen hat/ muß widere-
gelten vnnnd danckbar sin/ was min meynung / er
wäre im nit schuldig/ es wäre dann/ das er ouch
in not käme/ denn solt er nun nit allein das gely-
chen wider gen/ sunder ouch das sin darstrecken.
Ich wil aber dauon stan/ vnd allein den übernuß
weeren.

Heyni.

Die seligkheytt stat nit hieran / darumb laß ich
michs nit vil bekümbren/ vnd sag das/ wenn man
mich gefragt hat vom wücher vnd zynsen/ so bin
ich im hertzen erschrocken zü antworten/ dann ich
wüßt wol/ was im volck stäckt/ das sy allein be-
gertend fleischlich fryheit/ vngeacht/ wie die Lere
Gotts oder der seelen heyl bstünde.

Pfyster Weyer.

Du redst recht/ vnnnd ich bins ouch wol innen
worden/ wo sy steckend / darumb man gewüßlich
wol muß für sich sehen/ will man von disem han-
del mit jnen reden/ damit jhr mütwill nit gesterckt
werd. Wyter brüder Heyni/ von der oberkheytt
weyßt du/ was min meynung gsin. Ich hab nit
können verstan / das ein Christ möcht ein obrer
sin/ diewyl deß kein exempel funden wirt by den
Apostlen vnd der ersten Kilchen/ ouch diewyl mich
zü schwer ducht/ das die Christen solten mit dem
Bañ/ vnd ouch mit der oberkeit beladen sin/ darzü
mocht ich nit erfinden/ das der liebe gmäß wäre/
so bin ich aber also bericht mit gschrift / das ein
obrer syn/ ein güet ampt sye von Gott verordnet/

das sy diener Gottes sygind / wie das alt vnd
nür Testament daruon redend / darumb es vil
mer einem Christen gebür/weder einem Heyden.
Item das es ein stuck der liebi sye obier han/das
mit der güt vor dem bösen blyben mög/vñ nam-
lich hat mich das gstell/das Paulus ettlich/die
am gwalt warend/befert hat/vnnd sy aber daby
blyben lan. Nun ist Paulus ein trüwer Apostel
gsin / darumb wo es von nöten gsin/vnnd dem
glouben nit gmäß/hetti er sy gwüßlich daby nit
lan blyben/darumb bekenn ich/das ein oberkeyt
mög Christen syn.

Heyni.

Ich beken/er sye Schultheiß oder Sühhirt/
wirt er der gschrift nachwandle/so wirt er selig/
vnd ist ein Christ. Ich wil niemand vrtaylen / son-
der das vrtheyl Gott beuelchen.

Pfyster Meyer.

Siewyl ich ein oberkeit beken/das sy ein Christ
sin mög/so bekenn ich ouch alles / das zum ampt
dienet/namlich das sy mag straffen / übers blüt
richten/das schwerdt bruchen / dann die person
rödt nit/sunder das ampt/dañ wölcher nachthey-
lig der gmeynd lept/der stat dem schwert zu/also
mit denen zehandlen/die den ban verachtē. Des-
glichen beken ich/das man der oberkeit sölle ge-
horfam syn/in allem/das nit wider Gott ist.

Heyni.

Das kan ich ouch nit widersprechen.

Pfys

Pfyster Meyer.

Des Thouffs halb ist min meynung gsin/das man den niemand reichen sölt/er wäre dan in ein büßuertigs leben getretten/vnd den glouben befeñt/wie ich dann die sprüch verstünd Matth. iij. Joannis j. vnd in Geschichten xix. Nun aber hat man mich bericht/dz der kinderthouff dem glouben vnd liebe gemäß/vnnd wiewol er von Gott nit vstrucklich gepotten/diewyl er aber an statt der beschnydung kummen/mag er den kinderen keins wägs abgeschlagen werden/so findt sich auch/das Joannes/die er schon gethoufft het/erst vff Christum gewisen / als Joannis iij. Klarlich funden wirt/darumb der Thouff vffs büßuertig leben füret/das angefangen ist/oder angefangen soll werden: so kan man auch vff die bekantnus des gloubens nit gan/dann sy mag wol vß falschem hertzen beschähen / wie Actorum viij. vom Simon geschriben stat / sunder vff den beuelch Gottes müß man thouffen: darzü findt sich vß dem mund Christi/das das himelrych der kinden ist. Gehörd sy nun zum himelrych/das ist/in die Christenliche gmeynd / so kan man inen auch nit das zeychen abschlahen/dardurch man in die selb gmeyn angenömen wirt. Item ich hab verstanden / das Paulus also fry gehandelt hat in sölchen vßerlichen dingen/er hat den Timotheu beschnitten/d frylich auch vorhin gethoufft was/ Actoru xvj. vnd den Titum nit beschnitten/Gal. ij. vnd Actorum xxi. hat er sich auch bschären lan/ mit denen die nach dem gsatz handelend von des

bedi wegen/darumb man in disen vfferlichē din-
gen nit zancf soll anrichtē/defhalb ich mich ouch
mit mer hinderen laß/das nit gschriben stat/man
soll die kinder thouffen/so doch ouch nit geschri-
ben stat/man soll allein die alten thouffen. Vnd ich
muß bekennen/das ouch die wyber/in nachtmal
das brot brechen sönd/wiewol es nit geschriben
stat. Dife gschribten vñ vsachen hand mich be-
wegt/das ich den kinderthouff muß recht gen/vñ
in nit kan abschlahen/diewyl ich doch nit find/
das er verpotten sye. Also lieber Heyni/bin ich
mit den Predicanten in allen stucken wol zü fris-
den/wie du mich thört hast/vnd bekenn fry/das
ich die gschribte nit recht verstandē hab/sag Gott
lob vnd dancf vmb sin gnad/wil ihn ouch wyther
mit ernst ansuchen/vnd nit nachlassen/biß ich in
allen stucken im hertzen versichert wird/vff das
ich nach dem verstand der gschribte sin Ker siche/
vnd d regel des gloubens vñ der liebi nit verfäli.

Heyni.

Von diesem handel wil ich mich baß mit dir
besprechen.

Dif gespräch ist nun in nachgenden tagen/
zweiffend Pfyser Meyer vñ Heyni wytlouf-
sig volbracht / dadurch ouch vs der gnad

Gottes Heyni dermaß bericht/

das er gar ist abge-

standen.

STADT-BIBLIOTHEK
ZÜRICH

Gott sye lob.

X

Faint, illegible text, likely bleed-through from the reverse side of the page.

Section header or title, faintly visible.

Second block of faint, illegible text, possibly bleed-through.

Section header or title, faintly visible.





